

清涼國師華嚴疏鈔

土地品

夜

C40  
4514  
(1)



60

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9 90



L40-4514

丁翁上座請入藏及  
家書置之武州紫雲山  
我微疾謫院復有中求  
為學者不敵許出院內  
當山二世鐵牛機譯



B 64853

大方廣佛華嚴經疏鈔卷三十八之二

于闐國三藏沙門實叉難陀

譯

清涼山大華嚴寺沙門澄觀撰述

十地品第二十六之五

疏第九善慧地所以來者瑜伽意云前雖於無相

住中捨離功用亦能於相自在而未能於異名衆  
相訓詞差別一切品類宣說法中得自在爲令  
此分得圓滿故次有此來

疏言善慧者攝大乘云由得最勝無礙智故無性  
釋云謂得最勝四無礙解無礙解智於諸智中最

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9 90

爲殊勝智即是慧故名善慧。卽下文中十種四無  
礙是也。莊嚴論云於九地中四無礙慧最爲殊勝。  
云何勝耶。於一剎那三千世界所有人天異類異  
音異義問此菩薩能以一音普答衆問徧斷衆疑  
故此同下文金光明云說法自在無患累故增長  
智慧自在無礙者此兼顯離障名勝深密意亦同  
此瑜伽住品十住論成唯識等文辭小異義旨無  
殊仁王名爲慧光者言兼法喻智論名善相從所  
了得名能所雖殊皆明說法之慧。鈔言善慧下  
一釋名總有九釋一攝論當第七論從卽下文下

疏會經二莊嚴論卽第十三頌云四辯智力善巧  
說稱善慧今疏卽是彼論長行此同下文卽疏會  
經三金光明卽第二卷從此兼下疏會釋四深密  
經意者卽第四卷經云獲得廣大無礙智慧五瑜  
伽住品卽四十八論上文來意亦同此卷論云由  
此地中一切有情利益安樂意樂清淨逮得菩薩  
無礙解慧由此善能宣說正法是故此地名爲善  
慧六十住論亦當第一論云其慧轉明調柔增上  
故七成唯識亦當第九論云成就微妙四無礙解  
能備十方善說法故從文辭下會上三論八仁王

下亦即下卷九智論可知。

疏故所離障離利他中不欲行障。有四辨故。四無礙障分成二愚前三爲一名於無量所說法無量名句字。後後慧辨陀羅尼自在愚謂所說法是義名句字是法。後後慧辨是詞。陀羅尼自在愚道於上三二辨才自在愚即愚第四無礙。鈔故所離下第三離障亦唯識文具云九利他中不欲行障謂所知障中俱生一分。令於利樂有情事中不欲勤行樂修已利彼障九地四無礙解入九地時便能永斷由斯九地說斷二愚及彼罇重一於無量

所說法無量名句字。後後慧辨陀羅尼自在愚此總標也論自釋云於無量所說法陀羅尼自在者謂義無礙解即於所詮總持自在於一義中現一切義故一也於無量名句字陀羅尼自在者謂法無礙解即於能詮總持自在於一名句字中現一切名句字二也於後後慧辨陀羅尼自在者謂詞無礙解即於言音展轉訓釋總持自在於一音聲中現一切音聲故二辨才自在愚辨才自在者謂辯無礙解善達機宜巧爲說故愚能障此四種自在皆是此中第九障攝釋曰此用能障四無礙解

撰述

垂廣疏金卷之二

卷

所知障種以爲體性以八地已上六識中所知障無現行故金光明亦云一說法無量名句味無量智慧不能持無明。一四無礙辯未得自在無明。釋曰此則第二愚亦許通四但上能持此約能說卽說上三耳。梁論云一無量所說法無量名句味難善巧言自在陀羅尼無明。一於四無礙解決疑生解無明。釋曰第二愚亦通四無礙解本論名離不能利衆生障釋曰唯識不欲此論不能不能故不欲耳。疏但撮畧以對論文廣狹可知互相映發疏論俱易。

疏故所證真如名智自在所依謂若證得此真如已於無礙解得自在故。鈔故所證下四所證如亦唯識文攝論名同無性釋云謂此地中得無礙解所依止故分證得智波羅蜜多於一切法不隨其言善能了知諸意趣義如實成就一切有情受勝法樂釋曰無礙辯等釋自在義分證得等釋於智義中邊論云有四自在一無分別自在卽相自在一淨土自在三智自在四業自在法界爲此四種所依止義第八地唯能通達初二自在所依止義後二如次在後二地。

釋述

華嚴疏金卷之二十八

五

疏便成善達法器自在說法行。鈔便成善達下。  
 第五成行。莊嚴論云。四辯自在成熟衆生。卽此經自在說法無邊總持廣受法行。

卽此經善達法器

○疏梁論云。由通上真如得應身果。金光明中得智藏三昧。皆一義耳。鈔梁論云下。第六得果。初卽成熟衆生果。後卽總持法義果。

說此菩薩八地時。如來現大神通力。震動十方諸國土。無量億數難思議。

一切知見無上尊其身。普放大光明。照耀彼諸無量土。悉使衆生獲安樂。

疏次正釋文。三分之內。初讚請中有十二頌分三初二。如來現相顯說無功用行。無動之動。難思議故。特此現通。

菩薩無量百千億。俱時踊在虛空住。以過諸天上妙供。供養說中最勝者。

疏次十頌別讚。後一頌結請別讚中亦二。初一菩薩供。

大自在王自在天。悉共同心喜無量。各以種種衆供具。供養甚深功德海。

疏次一天王供。

撰述

國廣政金卷之二

三

卷

復有天女千萬億。身心歡喜。悉充徧。各奏樂音無量種。供養人中大導師。

疏後八天女供讚於中。初二供餘七讚。是時衆樂同時奏。百千萬億無量別。悉以善逝威神力。演出妙音而讚歎。

疏讚中二初一標讚。

寂靜調柔無垢害。隨所入地善修習。心如虛空詣十方廣說佛道悟羣生。

天上人間一切處。悉現無等妙莊嚴。以從如來功德生。令其見者樂佛智。

疏後六顯詞於中亦二。初二讚菩薩通於八地及說法王。

不離一刹詣衆土。如月普現照世間。音聲心念悉皆滅譬猶谷響無不應。

若有衆生心下劣爲彼演說聲聞行。若心明利樂辟支則爲彼說中乘道。

若有慈悲樂饒益爲說菩薩所行事。若有最勝智慧心。則不如來無上法。

譬如幻師作衆事。種種形相皆非實。菩薩幻智亦如是。雖現一切離有無。

疏後四雙讚佛及菩薩三輪化益。此文云菩薩幻智。後結云讚佛已。故文中通讚八九地。如月普現前地有故。此法師位隨機說權實故。鈔如月普現者。偈云。譬如日月住虛空。一切水中皆現影。住於法界無所動。隨心現影亦復然。從此法師下。卽九地之德。下文廣具。

疏文中三初一身無心而普應。次二口隨機而演說。後一喻結心常契中。旣特云最勝智心。示如來法。權實明矣。故縷絡經中說十種善。前九依三乘人。各成三乘。第十名佛乘種性。謂初聞佛法。卽發

佛心。唯觀如如。修佛智慧。終不爲悲願纏心。一向不起。二乘作意。第九爲悲願纏心。故此云慈悲樂饒益。明文若斯。云何不信。

如是美音千萬種。歌讚佛已。默然住。解脫月。言今衆淨。願說九地所行道。

爾時金剛藏菩薩告解脫月菩薩言。佛子。菩薩摩訶薩以如是無量智思量觀察。

疏第二正說分。光明地行文有四分。一法師方便成就。謂此地能起辯才說法。名法師地。趣地行立。名方便故。二智成就。具能知法之智慧故。三入行

成就達所化器之心行故。說成就稱根正授故。四中初一入心餘皆住心亦攝三位至下當知然第八地中但淨佛土教化衆生此地辨才力故教化衆生成就一切相能教化故一切相者具上四分故。鈔第二正說文三「總科」四中下會三心三然第八下顯地別相此是論文亦是通難恐有難云第八地中於三世間已得自在普與衆生身心同事復能多身多音說法利樂衆生何以此地方名法師有說成等故爲此通從成就下辯勝過劣。

疏初分中三初牒前起後前得二諦等智故次欲更下正顯方便三得入下結行入地鈔前得二諦等者一諦即是淨土分中等者等取諸佛勸起無量智慧思量觀察即是思修若準論經云無量智慧善思量智遠公云廣謂無量深曰善思量上佛勸與無量智即是廣也淨忍即是深智然不出二諦故疏但以二諦等之。

欲更求轉勝寂滅解脫復修習如來智慧入如來秘密法觀察不思議大智性淨諸陀羅尼三昧門具廣大神通入差別世界修力無畏不共法隨諸佛轉法

撰述

垂露真言金卷之二

卷

輪不捨大悲本願力。得入菩薩善慧地。

疏正顯中文有十句。不離二利論云。一五三句示現者。初句利他。次句自利。故云一一。次五利他後三自利。故云五三。示現之言通上四段。初句依無色得解脱想可化衆生利益他故。化其令得大般涅槃。故云轉勝論。王謂菩薩不求自滅。故作此釋。然經既云更求寂滅何妨自求。以七八九地同得無生八地得忍寂滅現前。依勸起修。此求上品名爲轉勝。卽用而寂真解脫故。若依此義。前二自利亦可十句俱通二利。於理無失。且依論解二依

未得究竟自利益故。復修習如來智慧。鈔初句利他者。此依論王有兩對。一利疏意更有二意。一爲三節以合初二爲自利故。二者十句皆通二利。然遠公云。自分所成。以用化人。勝進所成。堪化人業未熟故。但可自利。疏意云。更求勝進。豈無利他。

疏三依根熟菩薩化入如來秘密。二密化益故。四依邪念修行可化衆生。令觀察不思議智。得正念故。謂觀無念見智性故。五依未知法衆生轉法輪。令得知故。卽淨陀羅尼三昧門。皆說法所依故。六

撰述

華嚴疏金卷之二

依邪歸依衆生。具廣大神通。令人正法故。七依信  
生天衆生。令入差別世界佛淨土故。上五中一無  
證。二無行。三無解。後二無信。鈔三依根熟下五  
門利他。言根熟者。阿含行成堪能入證。絕念修行。  
可利生故。四不觀智性盡爲邪念。五未知令知。六  
邪歸依者。卽諸外道取信耳目。故以通化。七諸佛  
淨土。超過諸天無退轉故。上五下結上利他竟故。  
○疏下三自利中。八依正覺內證智德。故修力等。九  
依轉法輪外化恩德。十依無住涅槃斷德。

佛子。菩薩摩訶薩住此善慧地。如實知善不善無記。

法行。有漏無漏法行。世間出世間法行。思議不思議  
法行。定不定法行。聲聞獨覺法行。菩薩行法行。如來  
地法行。有爲法行。無爲法行。

疏第二佛子菩薩住此下。智成就此下二三段。攝  
王子住。知法知根。皆法王軌度等故。且依智成文  
中。初總知三性。謂淨染不二。不二卽無記。鈔  
不二卽無記者。不同前二。故云不二淨卽是善。順  
理清昇故。染卽不善。違理雜穢故。

疏後有漏下。展轉別開。一於淨法開漏無漏。謂施  
戒等。取相心修。與漏相應。名爲有漏。無漏反此。

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

鈔一於淨法下。俱舍云。有漏無漏法。除道餘有爲。於彼漏隨增故。說名有漏。四諦之中。苦集二諦。是有漏法。漏卽煩惱。泄過無窮故。漏法於彼苦集隨增。苦集有彼漏故。名爲有漏論云。無漏謂道諦。及三種無爲。由其道諦是有爲無漏故。於有漏除於道諦。今疏中云。與漏相應。卽漏隨增義。言施戒等取相心修者。以善中開出漏。故舉其施等。等取忍進禪慧。今漏於彼施等善法而隨增故。相心修善。是集諦攝。三界因故。言無漏反此者。卽離相心修。漏不隨增。卽屬道諦。俱舍云。緣滅道諦。諸漏雖生。

而不隨增。故非有漏。約於見道。分世出世。前來頗有。

疏一於無漏開出。見道已前名世。見道已去名出世。

疏三卽就上二世出世異。名爲思議。卽世出世。名不思議。亦可於出世中。約教證一道。鈔三卽就下思不思議。乃有二意。前約圓融行布地前地上。相對以明。後約教證一道。唯就地上。

疏四彼有漏思議中。定能證入。名之爲定。爲緣所動。名之不定。亦可佛性定有。餘一切法皆悉不定。

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9 90

撰述

華嚴疏錄卷之二十一

十一

卷

三聚定等。下文自說。鈔四彼有漏者。以思議通於一義。今明定能證入意。取地前思議。故兼取有漏之善。言定能證入者。大乘之中。種性堅固。名之爲定。爲緣所動。名爲不定。故仁王受持品云。習忍已前。十善菩薩有退有進。譬如輕毛隨風東西。是諸菩薩亦復如是。雖以十千劫行十正道。發三菩提心。乃入習忍。亦常學三伏忍法而不可定。名是不定人。是定人者。人生空位聖人性故。必不起五逆十重等。若通諸乘說。小乘忍心已去名定。餘必不定。

疏五總上諸善。開出三乘。謂諦緣度等。皆通上四。故唯佛恩。一是唯無漏等。而屬菩薩乘果。鈔五總上者。三乘皆有有漏無漏。世及出世。教證二道。定不定等。故云皆通。

疏六於三乘法中。示有爲無爲。依順行故。此是善體。故後明之。謂滅諦緣性。彼岸真理。皆名無爲。道諦緣智。能證修起。皆名有爲。如來一切。皆是無爲。佛智有爲。非極說故。涅槃令覆有爲相故。三乘聖人。依此起行。依此差別。故名順行。鈔六於三乘下。先舉論後此。是下疏釋。於中又二。先辯次二。謂

滅諦緣下釋。然有爲無爲及漏無漏。如十藏品。世及出世教證二道。初地已廣。今隨二乘畧明。爲等滅諦。卽是小乘無爲。小乘四諦。三是有爲故。緣性卽是中乘無爲。逆順觀等。皆是緣相。因緣性離。是名無爲。彼岸真諦。大乘無爲。大約六度。故云彼岸。彼岸有二。一是涅槃。修六度因。得涅槃果。居然無爲。二窮行究竟。卽同無爲。又真理言。通於三乘。同入一空之真理故。道諦已下。三乘有爲。對前可知。如來無爲。前已頻釋。二乘聖人下。釋上論文。依順行言。然有二意。一依起行。二亦依無爲成差別位。

此菩薩以如是智慧。如實知衆生心。稠林煩惱。稠林業。稠林根。稠林解。稠林性。稠林樂。欲稠林隨眠。稠林受。生稠林習氣。相續稠林。三聚差別稠林。

疏第三。此菩薩以如是下明入行成就。於中三。初總標章門。二此菩薩如實知下。依章廣釋。三佛子。菩薩隨順下總結安住。今利有十一林。一衆生心者。是總。故論云。依共。以通是下十染淨共依。故菩薩依此而知。故名爲依。下依義準之。鈔一衆生心下。疏文有一初隨文釋。此言總別。通有三意。一約本末。卽如今文心爲本。是總。十林是別。然本

未容可由一生多總別要一具多是經宗意。二就未中三雜染爲總餘七是別。此約依本開末。七不離三故。三以三聚爲總根等爲別。此約以時該於法故。今初心爲總者論云依共者論唯二字以通是下疏釋先釋共字其染淨共依但釋共字菩薩依此下方釋依字。

疏餘十是別不出三雜染故論云依煩惱業生。生是苦果今當第九論釋餘七云依共染煩惱染淨等。依定不定時謂次根等四同是業故名共隨眠卽煩惱種名染眠伏藏識令心染污故受生卽生。

如前已說餘二通三故不出三也。二云何通。謂習氣無別體。是染淨等氣分故。三聚但是約時定不定故。鈔餘十是別者卽第二重總別義也。言生是苦果下是疏釋論然論經今經以前是因生是苦果皆當第九論以三是總故以生居前後習氣三聚俱通因果論釋餘七下二釋餘七於中有四一總釋七林文中三初句標舉二依共染下舉論三謂次下疏釋然上論七林總有四節一依共字攝根解性欲四林一染字卽隨眠林三煩惱染淨等卽習氣林四依定不定時卽三聚林四節皆

合有其依字。初一後一有依。中一二畧無。以初依字  
 該於中二。若具應云依共。依染。依煩惱。染淨。依定  
 不定時也。今釋四節文亦有四。初釋共字。謂次根  
 解。性欲同是業故。隨眠下釋染字。故三地中顯  
 超煩惱。名貪嗔癡顯超隨眠。名爲染也。以常隨心  
 令心穢濁。無時清楚。故名爲染。然論經名使。如下  
 當釋。三受生卽生下。此非釋論。以經次第至於生  
 故。指前總中。故前云不出業煩惱生世。四餘二下  
 釋論。第三四節習氣三聚二稠林也。於中有二。上  
 二句總釋言餘二通三者。即是習氣及三聚林。通

三雜染故。不出者。隨眠是煩惱根等。是業。今二復  
 通。故上標云不出三雜染也。二云何通下。二別釋  
 二林。此句徵問。後謂習氣下釋前第三云煩惱等  
 是習氣林。染攝煩惱。故疏畧無煩惱之言。又欲將  
 染淨通根解性欲而言等者。等取生雜染。以三雜  
 染皆有習氣。故下釋中有煩惱習氣業習氣道差  
 別習氣。即是生故。不言習氣者。心是總故。爲十  
 依故。三聚但是下。釋上論第四節依定不定時。是  
 三聚林故。

疏論又別釋根信性欲相似之義。云彼復定不定

時根等次第。根等相似信等者。由下經文以根例  
 三。故此重釋相似之義亦須約時。故云彼復定不  
 定時。約何論時亦約根等四事次第也。云何次第。  
 謂根等相似似何等耶。謂信等故。如宿習名根印  
 持名解依根起解故云次第解必似根故云相似  
 習解成性。性必似解。依性起欲欲復似性。若相似  
 未熟時。卽名不定。熟名正定。全無邪定。故時依根  
 等論。經名解爲信。是信解故。鈔論又別釋下。第  
 二重釋根等相似之義。卽重釋上依共之言。以言  
 共是於業。復相似故。於中有四。一生起論文。一彼

復下舉論三。由下經文下彰釋所以由相似故。經  
 舉根林以例三林論上云共故。今顯共相似之義。  
 四亦須下。正釋論文爲四。展轉相生皆徵上起下。  
 而文分五一。釋彼復定不定時云。亦須約時躡上  
 四義。但云亦須約時。合云根等四林亦須約時。  
 者。釋論復字以前釋三聚約時。今重約時。故云亦  
 也。二約何下。第二節徵於上句。釋下根等次第。三  
 云何下。徵上第一釋下根等相似四似何等下。徵  
 第之義。唯初根解。此二相望。有於次第。及與相似。

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

性欲但明相似之義次第可知故畧無之若相似下第三例釋三聚三聚亦由上四生故是故上云三聚爲總。

疏十皆名稠林者多故名林難知曰稠論經十林皆有行字謂不正信義故名心行等稠林心行若絕證信圓明非稠林行然此十名多如發心品辨而習氣一通於一義一者殘習二者種子熏習如下當辨。

此菩薩如實知衆生心種種相所謂雜起相速轉相壞不壞相無形質相無邊際相清淨相垢無垢相縛不縛相幻所作相隨諸趣生相如是百千萬億乃至無量皆如實知。

疏第二依章廣釋文分九段以解性欲合一例故今初心中三謂總別結別中畧舉十門攝之爲八二三後二合故。

疏一差別相心意及識六種別故此八緣境許得齊起故名雜起又雜起者必與所俱極少猶有偏行五故鈔心意及識下第八名心第七名意前六名識然有通別已見問明今更畧釋大乘法師釋云心積集義意思量義識了別義積集有二一

集行相。二集種子。初通諸識。後唯第八思量有。二一無間覺。二現思量。初通諸識。後唯第七了別。有二一細一龐。細通諸識。龐唯前六。此八緣起者。唯識第七云。依止根本識。五識隨緣現。或俱或不俱。如濤波依水釋曰。此有一門。初句六識共依門。下三句六識俱轉門。此中正是後門。論云。根本識者。阿陀那識染淨諸識生根本故。依止者謂前六轉識。以根本識爲共親依。釋曰。此釋第一句舉阿陀那。通至佛果故。若言賴耶位局染故。但言六者。第七識緣恒時具故。又此正明六識義故。言爲共親。

依者。共依卽是現行本識。識皆共故。親依卽是彼種子識各別種故。次釋下三句六識俱轉門。論云。五識者。謂前五轉識。種類相似。故總說之。隨緣現言。顯非當起緣。謂作意根境等緣。謂五識身內。依本識外。隨作意五根境等衆緣和合方得現前。由此或俱或不俱等外緣合者。有頓漸故。如水濤波隨緣多少。此等法喻廣說如經釋曰。言種類相似者。一俱依色根故。二同緣色境。三俱緣現在。四俱有間斷言。謂作意等。卽眼耳九緣等。經初已說。言廣如經者。卽解深密云。廣慧如大暴流水。若有

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

華嚴疏錄卷之二

七

夜

浪生緣現前。唯一浪轉。乃至若多浪生緣現前。有多浪轉。諸識亦爾。然彼更有淨明鏡喻。恐繁不引。極少猶下。卽如第八心所俱門。謂唯與於觸及作意受想思俱餘識心所多少之義廣如彼論。

疏二速轉下二句。明行相四相遷流故速。卽是住。住體輕危速就異故。轉者是異壞。卽是滅。不壞是生。故論經但一句云。輕轉生不生。相論云。住異生滅行故。鈔論云。住異者。住釋上輕異釋上轉。生釋於生滅。釋不生。

疏三無形質者第一義相觀。彼心離心故。云何離。

謂心身不可得。故身者體依聚義。卽同起信心體離念等。鈔云。何離者。從初至不可得。唯除此句假微餘皆論文。從身者下。疏釋言心體離念等。等取等虛空界法界一相。皆無形義。

疏四無邊際。卽自相順行。無量境界取故。取境不同。故名爲自。鈔取境不同者。此下疏釋。八識緣境有同有異。前五轉識緣五塵境。是現量故。第六意識緣一切法。通三量故。第七末那緣賴耶爲境。是非量故。第八賴耶緣於三境。謂種子根身器世間。故亦現量攝。廣如唯識。

撰述

## 華嚴疏鈔卷之二

九

乙

疏上四相初一是所相。二是能相。此二並心之相。三是心之空性。性相不同。合爲心體。四卽心用。此四並通染淨。後四明淨心隨緣。由第五隨煩惱緣成六七隨業生緣成第八。鈔上四相下結前言。心之空性者。空如來藏故。涅槃云。空者。所謂生死故。後四明淨心者。標也。次由第五下總釋也。隨現煩惱。故有第六隨煩惱種。故成第七。故論云。第六七心染不染故。心縛解故。此二句煩惱染示現。第八雙隨業受生染故。論云。第八句心隨道故。生染示現。以隨業受生故。云隨業生緣。菩薩幻生亦菩薩

## 業

疏謂第五清淨者。自性不染相。卽自覺聖智真妄所依不空性也。染而不染名自性淨。次下二句。卽不染而染。鈔謂第五清淨下。當句別釋。此卽自性清淨心。對前空性是不空性。是則相辯真空性爲妙有。也不染染等前已頗釋。

疏謂六垢無垢者。卽同煩惱不同煩惱相。隨緣有垢性恒離故。垢性恒離。故疏七縛不縛者。同使不同使相。義不異前。但種現有別耳。

撰述

華嚴疏錄卷之二

三

夜

疏八有一句。同名因相。隨因受生故。菩薩以幻智願力生故。餘衆生隨業諸趣生故。鈔隨因受生相通釋二句。菩薩以下別釋一句。幻所作相同於摩耶大願智幻耳。

又知諸煩惱種種相。所謂久遠隨行相。無邊引起相。俱生不捨相。眠起一義相。與心相應不相應相。隨趣受生而住相。三界差別相。夢見癡慢如箭深入過患相。三業因緣不絕相。畧說乃至八萬四千皆如實知。疏第二釋煩惱稠林亦三別中九句攝爲三種事。後七合故。鈔第二煩惱稠林攝爲三種事者。一

卽遠入相。二難知相。三染相。

疏一遠入相乃至有頂故。此約四住現行下至金剛自約種說。久者無始常隨故。鈔明分齊深至於有頂故。四住揀於無始無明。現惑揀種故。彈古云下至金剛自約種說。遠公見偈云。禪定境排仍退轉。金剛道滅方畢竟。便釋有頂云。謂至十地金剛頂故。今彈云。彼頌隨眠稠林。約俱生種何得證此。

疏一無邊引起者。難知相言無邊者。修習無量善根故。引起者引起惑故。惑與善俱。所以難知。卽勝

撰述

聖嚴疏錄卷之二

三

夜

臺中恒河沙等上煩惱也。上明豎深此辨橫廣。  
 鈔一無邊引起者論云。一難知無量善根等修業  
 行故餘如疏釋言恒沙等上煩惱者。以善無邊。一  
 善上皆有煩惱故。亦卽所知未盡則無法之上  
 而無惑也。

疏二俱生下七句合爲染相。卽三雜染謂此煩惱  
 亦與業生。二俱起故卽分爲三。

疏初三句當體明煩惱染。一俱生不離者明隨所  
 繩此句總明能所。所縛卽妄心謂惑與妄心遮共  
 同事故云俱生。生卽是事然離惑不名妄心離心

惑依何住。故迭共相依名爲不捨。一眠起一義者  
 是以何縛。謂使爲能縛。使卽隨眠起卽現行。現行  
 由使不得解脫。以現及種同一惑義故然下辨使  
 不必與現行俱。此中現行必由於使。如有種子。未  
 必有芽。若已有芽。必依種子。故云一義三與心相  
 應不相應者。是所縛事。事卽真心。若彼妄染名與  
 相應。是縛非解。心性淨故名不相應。示可解脫。  
 鈔初三句下別釋三段就此三中初句旣總卽能  
 所縛。卽一爲能縛。三卽所縛妄心。今初論自釋隨  
 所縛云。迭共同事。迭共相依不相離故。今疏取意

撰述

華嚴疏錄卷之二

三

衣

開展釋之以論同事。釋經俱生。生即是事者。然有一義一。夫言俱生必有一物煩惱是一。與何物俱。卽妄心事同時生也。一生卽生雜染。則煩惱與生事俱也。從然離惑下。以論相依。釋經不捨二眠起。一義者別明能縛。如世縛賊爲用繩耶。爲用鎖等。云以何縛。從謂使爲能縛下。出能縛體現行由使下。釋其縛義煩惱縛心使縛煩惱。如毛繩縛人。由入水故。令縛轉急。然下辯使等者通相濫妨。此中使同下使故。答意云。此約使爲惑因。後正顯使。故不濫也。遠公釋云。使有一義。一繫縛義通性及起。

二隨逐義局在性成。今約繫縛亦是一理而下隨眠亦有繫縛故。但依疏三與心相應下。卽別舉所縛然雖別顯能縛所縛而必互有。如繩縛人若言以何物縛。是單說能而必有所縛之人。若不爾者。何得縛名。如說何人被縛。必有能縛之物。故下二句各兼能所。而二正取能。三正取所。思之事卽真心者。出所縛體。卽自性清淨心。若被下。卽彼縛相。因無明風動。不守自性。成其染心也。染而不染。云心性淨。言示可解脫者。若定是染。則不可脫。故中論云。準若有定性。先來所未斷。於今云何斷。

疏二隨趣下有一句約生明煩惱染論云身事生道界因故者。苦報集起。名身事生上句是道因。下句是界因。鈔二隨趣下謂就生雜染中明於煩惱先舉論總釋從苦報下釋論從上句下以經對論道界因道界因言彰惑之過。

疏三愛見下二句約業明煩惱染初句明於三分中業因障解脫故言三分者愛是欲求中追求現報受欲行者見是邪梵行求癡是欲求中追求現報習惡行者故論云無戒衆生爲現少樂習衆惡行愚癡之甚慢通上三而多屬見有求屬生染所

攝故此畧無上三俱障解脫過患難拔如箭入木故升道得非想定尚與見慢相應上卽論意亦可見愛等通七識中煩惱故云深入下句明此惑順世間身口意業不斷起因故。鈔三愛見下先總明初句下別釋釋初句中先牒論言三分下疏釋三卽愛見癡是業之因疏文委具而文有四節一以二求釋三分業因二慢通上三下會通經論經有四惑論但說三故又三求中唯說二故通意可知三上三俱障下以論障解脫言釋經如箭深入過患四亦可知下疏別立理下句下釋三業因

撰述

華嚴疏錄卷之二

三

夜

## 緣不斷相。

疏結中八萬四千煩惱隨好品自明。賢劫經中亦有其相。鈔結中八萬下然隨好品正明煩惱。賢劫自說八萬度門而取所治亦是煩惱故復引之。此經具名賢劫定意經有十三卷第二卷末有喜王菩薩宴坐七日過七日已詣佛諮詢行何三昧能悉通達八萬四千諸度法門佛告喜王有三昧門名了諸法本行菩薩行時便能通達諸度法門諸度法門者佛有三百五十功德一一功德各修六度爲因然彼第二卷末喜王菩薩起請如來初

## 列章門第三卷初喜王再請一一解釋至第九卷

經方終其三百五十度中最初名修習進行法修度無極其度無極言卽波羅蜜義乃是三百五十之總名其光耀度乃當第二其分布舍利是最後度其間諸相隨好力無所畏十八不共三十七品五眼六通等皆是所成卽以六度爲二千一百。一一各有六度隨事各各不同而初言二千一百竟卽云是二千一百其中別有一百度無極主除四大六衰令無有餘獨步三界亦可將此都乘前度言如是一千一百諸度無極及是百度無極是

二千一百諸度無極貪欲恚癡等分四事二千一百合八千四百各有十事合八萬四千不言十事是前四大六衰及至第九經總釋竟卽云是八千四百一度爲十合八萬四千諸度無極亦不言十對四大六衰次云此八萬四千諸度除八萬四千衆垢塵勞達八萬四千三昧門立八萬四千空行設以義取應以四大六衰乘八千四百而人以四大六衰乘二千一百似非經意又此皆是菩薩所修之法亦非如來一代經如是多會說法下諸卷廣說千佛名及因緣然不說四大六衰之相第十一

三卷末云三毒五陰十二牽連四大六衰諸蔽睡眠則義當四大六塵六塵衰損善法故經中但言一度爲十經既不釋今以義推乃有二義一如古釋四大六衰乘之二以義推如一施度下經具十餘五亦然則八千四百旣一一具十斯理無失亦有云四大者貪瞋嫉妬及衆生想此能障四無量故六衰者慳嫉放逸不忍懈怠散亂愚癡能障六種波羅蜜故此乃理求未有所出難以取憑又經中旣云於其一百對四大六衰若如向說則盡對四大六衰又有云若依大乘菩薩藏說貪瞋邪見

及慢爲四種。各二萬一千。有唯貪香味觸法色。不貪聲等。有唯貪聲不貪色等。有俱貪香味觸法。當知亦是色中多種有貪外色。不貪內色。有反此者。亦有俱者。外色中有多差別。十形四顯八差別等。各別俱貪。或少或多或偏貪。著聲香味觸各亦多門。是故貪行二萬一千。嗔邪見慢。當知亦爾。釋曰。非無所以。未詳所據。

又知諸業種種相所謂善不善無記相。有表示無表示。相與心同生不離相。因自性利那壞而次第集果不失相。有報無報相。受黑黑等衆報相。如田無量相。

凡聖差別相。現受生受後受相。乘非乘定不定相。畧說乃至八萬四千。皆如實知。

疏第三釋業亦三別。中十句爲九種差別。後二合故。鈔第三業稠林然論有一先正解後重分別。今疏將下重分別文合在前文正解中用。九句分二。前八對果明業。後一明定不定就前八中遠公攝爲三對。初三一對。次三一對。後二一對。三對之中皆初對果明業爲因。後復就業體隨義分別。疏初一道因差別。謂通說二性爲六趣因。引業唯善惡各有三品。一地已說滿業通二性。名言熏習。

亦通三性許爲種因故。又俱舍十七以三性因對五種果無記亦能招果故論王通以三爲道因惑既不招異熟則論王言總意別。鈔初一道因者此卽對果明業疏文有二先通三性感五趣果故唯善惡今初引業唯善惡者俱舍業品云一業引一生多業能圓滿釋云引業謂總報業但由一業唯引一生若許一業能引多生時分定業應成雜亂若此一生多業所引應衆同分分分差別以業果別故注云分分差別者謂數數產生多業能圓滿者別報業也謂一生身圓滿莊嚴許由多業譬如畫師先以一色圖其形狀後填衆彩一色圖形喻引業一故後填衆彩喻滿業多是故雖同稟人身於其中間有支體色力莊嚴缺減各有三品二地已說者彼經云十善業道是人天乃至有頂處受生因意明下品十善是人因中品十善是欲天因上品十善是色無色界因下辯三乘除如來因皆同上故其十惡業畧有三種經云佛子此菩薩摩訶薩又作是念十不善業道上者地獄因中者畜生因下者餓鬼因皆三品也滿業通三性者唯識第八云然諸習氣總有三種一名言習氣謂有

60 1 2 3 4 5 6 7 8 9

70 1 2 3 4 5 6 7 8 9

80 1 2 3 4 5 6 7 8 9

90 1 2 3 4 5 6 7 8 9

爲法各別親種。一我執習氣。三有支習氣。下二習氣六地廣明。其名言習氣問明已釋爲明三性故復重舉論釋名言習氣云。名言有一。一表義名言。卽能詮義音聲差別。二顯境名言。卽能了境心心所法。隨二名言所熏成種作有爲法各別因緣。彼疏釋云。名言熏習。卽三性法各自親種表義名言。卽能詮義音聲差別者。據無詮聲。彼非名故。然名乃是聲上屈曲。唯無記性不能熏成色心等種。然因名起種名名言種。謂因於名令心了知而成種。故今經從因起之義乃顯境名言。故云許爲因種。

又俱舍等者。彼疏第五初論云。前所言果有五種。此中何業有幾種果。頌曰。斷道不漏業。具足有五果。無漏業有四。謂唯除異熟餘有漏善惡。亦四除離繫餘無漏無記。三除前所除。釋曰。斷道卽無間道也。廣配如彼。彼中第二三性相對論云。已總分別諸業有果次辯異門。有業果相於中先辯善等三果。頌曰。善等於善等。初有四二三。中有二三四。後二三三果。釋曰。上善等卽業下善等卽法。初卽善業。以善法爲四果。謂除異熟異熟唯無記。以不善爲二果。謂士夫增上以無記爲三果。除等流離。

繫故云初有四二三言中有二三四者中卽不善業以善爲二果謂增上士用以不善爲三果加於等流以無記爲四果謂除離繫言後二二三果者後卽無記以善爲二果謂士用增上以不善爲三果除異熟離繫以無記爲三果亦除異熟離繫解曰旣無記望善惡無記有一二三果明有果也況別不離總爲因旣無失惑旣不招下二明道因明是善惡謂旣曰無異熟總報果體卽無果義論王言總明三爲道因別意但取善惡爲因

疏一有表示等者自性差別然論經此句云作未

作相此則並以思爲自性故論云此有二種一籌量時此在意地唯有審慮一種思故釋未作義一作業時釋經作字有決定思若在身語唯發動思成唯識云動身之思名爲身業發語之思名爲語業然今旣云有表示等卽表無表業各通三業表則三皆是思無表則非心非色或說色收義如別說鈔一有表示者自性差別此下一句唯就業體隨義差別云自性者造作之義是業自性論初釋中但云自性差別論云此有一種下此是論王後重釋文論王但云一籌量時一作業時從此在

撰述

聖嚴疏卷之二

意地下。疏釋初義。言在意地者。未形身口。言有審慮。決定二種思者。今言唯有審慮一種思者。正明論中未作之意。雖在意地。未有決定。未成業道。未受報故。如六地業有二義。不受果報。一未作業上引瑜伽已廣顯示。二作業時者。此句論文從釋經作字下。疏釋通三業也。有決定思者。即是意業。至決定思方成業道。能招報故。言若在身口下。辨餘二業成唯識下。引論證成彼論第一。廣破外宗表無表色竟。小乘引經問言。世尊經中說有三業。撥身語意。豈不違經。故論答云。不撥爲無。但言非色。

能動身思。說名身業。能發語思。說名語業。審決二思。意相應。故動作意。故說名意業。釋曰。此出三業體。然思有三種。一審慮思。二決定思。三動發思。然初一思是發身語。遠近加行。然發動思。正發身語。卽是二業體。然初一思與意俱。故作動意。故名爲意業。故總以思爲三業體。釋曰。故意業中。要具二思。方成業道。如上已明。今約成業。但云決定。故晉經云。分別不可分別相。然今既云下。但順經文而非論意。表卽表彰。相可見故。無表反此。俱舍業品云。世別由業生。思及思所作。思卽是意業。所作謂

身語釋曰。謂有問言。世從何生。初句答云。從業而生。次句示二種業。一者思業。二者思已。卽下之二句。開二爲三。然其意業。依等起立。業既是思。與意相應。意等引起。名爲意業。言身業者。約所依立。身謂色身。業依身起。故名身業。言語業者。約自性立。語卽業故。次開二業。成表無表偈云。此身語二業俱表無表性。釋曰。論釋此一。其文繁廣。今當畧示。初立有宗正理云。身表許別形。故形爲身表。如合掌等。許有別形。形即是表。表善惡故。表即是業。此之形色。依身起故。名爲身業。次破正量部云。非行

動爲體。行動卽是有爲。有爲刹那後有盡故。此之滅法。更不待因。身表是果。果必待因。故論主次復破有宗云。形色亦非實。有應二根取。謂依多顯色。假立長等。無別極微。故假非實。若言有實。顯是眼境。形可身取。今顯卽形。應一根取。形雖是表。而非是業。業是思故。依身行門。故名身業。次立語云。語表許言聲。謂且許之。以其言聲爲語業體。業體亦以發語之思。以爲語業。語門行故。語之業故。則同大乘言。無表者。俱舍云。無表雖以色爲其性。如有表業。而非表示令他了知。故名無表。又頌云。亂

心無心等隨流淨不淨大種所造故由此說無表然上依小乘唯識論示正義云然心爲因令識所變示色等相生滅相續轉趣餘方似有動作表示心故假名身表然因心故識變似聲生滅相續似有表示假名語業釋曰唯識但約心變卽異小乘次明無表云表旣不實無表寧真然依思願善惡分限假立無表理亦無違次約大小二乘對辨然俱舍意唯身語二具表無表而唯識意無表旣依表上假立是故疏云表則三皆是思若以非色非心而爲無表則意亦有矣故瑜伽五十三云云何

表業畧有三種一染汚二善三無記若於身語言十不善業道不離現行增上力故有身語表業名染汚表業所治王也若卽於彼誓受遠離所有身語表名善表業此身語善表也若諸威儀路工巧處一分所有身語表業名無記表業此身語無記表業若有不欲表示於他唯自起心內言思擇不說語言但發善染汚無記法現行意表業名意業釋曰此顯意業亦具三性自能曉了我今造作如是事業別表於後意俱之表名爲意表意爲無表如理思之故知大乘三皆有表廣如別章大乘法

師法苑中十門分別。一辯名。二出體。三假實分別。四具支多少。五得捨分齊。六依他有無。七四大造性。八應成差別。九先後得捨。十釋諸妨難。

疏三與心同生不離者。方便差別心共生熏心。不別生果故。謂此業思與等起意識共生。隨其善惡生已。卽熏本識成名言等種。種似能熏。故云不別生長。卽不離義。鈔方便心業者。心爲起業之方便。故經云。與心同生不離者。業共心生。生已不離此言業行常依心王也。與等起者。俱舍頌云。等起有一種。因及緣刹那。如次第應知名轉名隨轉。引

論解釋已。如六地然今此中正同緣等起也。與所起業同刹那故。故云意識共生。言隨其善惡生已。卽熏成名言等種者。此文影響。若善惡熏。卽成業種。意識等熏。成名言種。由上意識共生故。然要由業熏。心方成種。故云爾耳。疏中等言。等於業種。言種似能熏。亦有二義。一似善惡。惡生苦果。善生樂果。二似名言所熏第八成異熟種。能熏七識等。成名色等種。上二並言不別生果。言卽不離義者。結歸於經。謂業種不離心得果不離種也。

疏四因自性等者。盡集果差別。謂無始業因。以是

撰述

卷之二十一

三

七

有爲故。自性利那壞。故云盡。此顯非常。而得持至果。功不敗亡。故云集果不失。此顯非斷。前念雖滅後念續存。故云次第。亦是因卽頓熏。果則次第。如識等五也。鈔四因自等者。此下第二對三句。前二句對果論業。後句約業差別。前中。此句明業得果不失壞也。言而得持至果者。卽俱舍得得連持義論偈云。得謂獲成就。非得此相違。得非得。唯自於相續二滅。然此得得以持此義。如券持債。故古經論名不失法。中論云。不失法如券。業如負財物。然大乘雖立有得。不許有實。而云熏習成種。前句已引。前念雖滅下釋經次序之言。然有一意一卽就上因減果生以明次第。一亦是因卽頓熏下。唯就果中以明次第。如六地明。

疏五有報無報者。論云。已受果未受果差別。過去生報業現在已受名爲有報。後報未受名爲無報。非謂全無。更有一理。謂已悔之業。則許無報。有報可知。鈔論云等者。此句明業得報遲速。言過去生報業現在已受者。且約一相。隨近以明。若今世受更是前前所造之業。卽亦得是後報之業。名爲已受。是則後報之業已潤有報。未潤無報亦應云。

已熟已受未熟未受。更有一理者。上是六地緣生中。護外三過中。此通業無報難。上論答曰。業有三義。故不受報。一未造。二未潤。三得對治。前卽第二義。今卽第三。未造之業。卽前無作是也。疏六黑黑等衆報者。對差別。謂四業相對成差別。故初二黑白相對。後二漏無漏相對。言黑黑者。卽四中初一因果俱惡故。又因果俱與無明相應故。卽三塗業等者。等於餘二。謂一名白白業。因果俱善故。俱與智明相應故。卽色界善業。三黑白業。卽欲界善業。因中善惡雜故。受報亦憂非憂雜。四非

黑非白業。謂諸無漏業。無異熟故。對上黑白二業立雙非名。言衆報相者。上三有報故。論云。業集成就故。若俱舍意。其黑白業約相續說。以無一業。及一異熟。是黑亦白。互相違故。言相續者。謂或意樂黑。方便白。如爲誑他行敬事等。或意樂白。方便黑。如慇弟子現籠語等。若以義推。正以諳心而行敬事。亦可同時。餘廣如雜集第八。俱舍十六。鈔初二等者。釋論對字。然其論經具有四句。云黑業。白業。黑白業。非黑非白業。論釋云。黑業對白。白業對黑。不黑不白對二業。二業卽是第三黑白業也。後

撰述

華嚴疏鈔卷之二

三

衣

二漏無漏相對漏卽亦黑亦白業故。又今黑黑之言全依俱舍次下當引卽四中下別釋然以惡釋於黑乃是通義別者因惡染污果惡鄙穢不可愛樂通以善釋於白別亦不同因白體不染污果白則可愛樂故然上黑是因能招黑果故下黑是果能酬黑因故白因白果例此可知謂諸無漏業者無白異熟故曰非白體非染汚故曰非黑今以無漏非染義可知故但於無異熟耳然俱舍論云此非白言是密意說以佛於彼大空經中告阿難陀諸無學法純善純白一向無罪釋曰旣言純白明

非白者是密意說爲成四句致非白言故疏云對上黑白二業立雙非名若準雜集但言非黑白業無兩非字故論云非黑者離煩惱垢故白者一向清淨故然上四業前二因果共立黑黑白白第三唯就因中立名第四亦雙就因果立名因明非黑果明非白上三有報者由約異熟名報無漏無異熟故說有三報若約果名報無漏既有四果則上之四句皆名有報若俱舍等者爲生後釋不許善惡同時故此指俱舍明約相續非約自性然上四句全俱舍意故彼論云又經中說業有四種或有

業黑黑異熟。或有業白白異熟。或有業黑白白黑異熟。或有業非黑非白無異熟業能盡諸業。其相云何。頌曰。依黑等有殊。所說四種業。惡色欲界善。能盡彼無漏。應知如次第。亦黑白俱非。釋曰。上來疏文用論已周。細尋自見。謂初一句總標。次句卽於二業惡是欲界惡業。色是色界善業。欲是欲界善業。能盡彼無漏。卽第四業。彼卽前之二業以爲所治。無漏能治之。謂能盡彼前三是無漏業。後二句結。餘廣如雜集等者。俱舍之義。上已具用。雜集之義大同俱舍。今更具出論云。復次有四種諸業。

差別。謂黑黑異熟業。白白異熟業。黑白白黑異熟業。非黑白無異熟業能盡諸業。黑黑異熟業者。謂不善業。由染汚故。不可處異熟故。白白異熟業者。謂一界善業。不染汚故。可處異熟故。黑白白黑異熟業者。謂欲界繫雜業。善不善雜故。云何一業亦善不善。此中不約生利那相。說一種業亦善不善。然約意樂及方便總說一業。是此經意約此二種。若黑若白。互不相似。建立一種黑白業故。或有業意樂故黑。方便故白。意樂故白。方便故黑者。如有一人爲欲誑他。先現其相。令信已故。行於惠施。乃

至出家。方便故黑意樂故白者。如有一人欲令子及門徒遠危處安。由憐憫心。現發種種身語罷惡。遂於此時發生雜染。非黑白無異。熟業能盡。諸業者。謂於方便無間道中。諸無漏業。以方便無間道。是彼諸業斷對治故。非黑者離煩惱垢故。白者一向清淨故。無異熟者。生死相違故。能盡諸業者。由無漏業力。永拔黑等。二有漏業與異熟習氣故。釋曰。在文易了。但云非黑者。非煩惱垢此。揀於黑黑業。一向清淨者。揀於有漏善業爲煩惱所發言。由無漏業力永拔者。卽由加行無間。一無漏智。同時

思業從智慧說。故言永拔。所拔卽三有漏業。習氣也。餘義與上所引俱舍。一而無二。故疏總指。

疏七。如田無量者。因緣差別。謂識種爲因。業田爲緣。隨田高下等殊。令種亦多差別。故論經云。業田無量相。鈔因緣差別者。彰業能爲緣容。因種故。隨田高下者。上句單約喻。下句雙合法喻。又云。令種差別者。且約喻明。如穀子隨田肥瘦。非令種穀而生豆芽。若約江南爲橘。江北爲枳。則亦少有變種之義。然名流類非全差別也。若約法說。識種無異。由業善惡識招苦樂。卽令種異也。

疏八凡聖差別者卽已集未集差別出世未集世已集故鈔出世等者約凡未能集聖法故以釋經文凡聖差別故

疏九十二句定不定差別前句明三種時報定不  
定謂現作現得報名現受現作次來生獲報名生  
受現作第三生去方得報名後受於此三中各有  
定不定謂前二時定報通定不定後一時報俱通  
定不定鈔謂現作下疏釋經文三受之義疏文  
已具然經部師云順現受業其力最勝必受生報  
後報若順生受其力稍劣必受後受不受現受順

後受業其力最劣不受現生唯受後受隨初熟位  
名順現等也釋曰義似有餘或有各造一生之業  
人天並造先受人報後受於天豈要令其重受人  
耶然此三受畧說有三因一由於因如於佛僧慈  
定滅定及無諍定見修道出作供養者得現樂報  
於父母王等作損惱業得現苦報二由業體如不  
動業得樂生報五無間業得苦生報三由行願多  
福之人罪得生報現世輕受疾得菩提故多罪之  
人都無現報以造重惡趣生報故諸相好業皆得  
後報不可一生卽成佛故又諸輪王多受後報劫

減修因劫增受果故謂前二下二釋然卽俱含頌云此有定不定定三順現等或說業有五餘師說四句釋曰初句標次句別釋現生後三卽三定業加於不定卽有四業或說業有五者或有欲令不定受業復有二種於異熟及時有定不定開爲二種一異熟定時不定謂果必定受於三世時卽不定也二異熟與時俱不定謂果與時俱不定受但有果定時不定無有時定果不定者但於時定於果必定以時離果無別性故雖開合有異其理無別也餘師說四句者謂譬喻師說業分八種故

爲四句彼許時定於果不定於不定中時復分三兼前五業故成八種第一句者於時分定異熟不定謂順現等三業三世時定於果不定若現在世其果卽受現若不受永更不受於時必定於果不定順現既然生後亦爾此分三種謂一順現定果業於異熟定時不定此但爲一謂果定時不定第三句有業於二俱定謂順現等定得異熟此有三種一順現時果俱定一順生時果俱定一順後時果俱定第四句者有業於二俱不定謂不定業非

撰述

章獻金卷之一

四

七

定得異熟。此但爲一。謂果不定時不定也。釋曰。上俱舍三師。後後漸開疏中總攝而言小異。言此三俱有定不定爲已總攝三師。而正收初師。卽俱舍云。此有定不定。三順現等兼不定爲四。謂前二下別示其相。雖通第三師四句。而有通局。前二時定者。以現若受。名現報業。現若不受。非現報業。生報亦然。要此生受。方名生報。故說前二時則定也。報通定不定者。有造現報之業。應合現受。更遇勝緣。排而不受。此報不定。生報亦爾。無有移此更別時。故無時不定也。後一俱通定不定者。卽第四句時。

報俱不定。及第二句時報俱定。并第二句報定時不定。謂順後受不定。業有業定受。而不定一生二生多生。故是報定時不定。有不定業。於第三生應合受之遇緣業壞。是爲時定報不定也。或復有業未定生數而受果報。忽遇緣壞。故俱不定。然俱舍中報定時不定。義通三報。今何就於順後受耶。答。俱舍以業就時。謂有業定受。而或現或生。或後。此時明以取業。要現受報。方名現業。現若受者。卽現定業。現若不受。卽非現業。故無時不定也。若是生受。卽是生業。不受則非生報之業。故無生報時不

定也。各取一義亦不相違。問。現見有業。合受現報而以力排。便受生報。或合生報。由異因緣。便受後報。如末利夫人專精施戒。合受生報。生兜率天。臨終小瞋先生。竭中七日之後。轉報生天。問。據此三業。皆有報定。而時不定。何得言無答。現報緣排而受生者。即是生報。不名現報。時不定也。生報亦然。思之可解。對前三師。疏意便當第四師也。業力甚深。不妨廣解。或當更有餘經論明。

疏第十句。明乘非乘定不定。乘即三乘。唯修自乘業名定。乍修此乘。復修彼乘。名爲不定。非乘謂世間無運出義。故定者難度。不定易度故。鈔定者下。此約非乘及與一乘。各於自分已定。大乘若定更不須度。是故不言定者易度。

疏結中亦言八萬四千者。惑因既爾所起之業。亦然根等諸門。皆成八萬。繼此卽顯波羅蜜門三昧門等。鈔根等諸門者。由惑有業。惑有階降。業亦如之。或依根有勝劣。性有差異。解有淺深。欲有輕重。各成八萬。言繼此卽顯等者。下明能治。一一惑等。皆到彼岸。窮理盡性。即是八萬四千度門。若於惑等。寂妄不動。即是八萬四千三昧。若於惑等一

撰述

聖闡疏金卷之二

四

不

一無羈卽八萬四千解脫。

又知諸根軟中勝相先際後際差別無差別相。上中下相煩惱俱生不相離相乘非乘定不定相淳熟調柔相隨根網輕轉壞相增上無能壞相退不退差別相遠隨共生不同相畧說乃至八萬四千皆如實知。疏第四釋根中二先別後結別中十相爲九差別五六合故。鈔第四根稠林根義已見於第九迴向別中十相者總科也束九爲三初六隨法義分別次一就人分別以論五聲聞菩薩故後一約行以辯其根初中又三初三淨根第四染根後二通

染淨

疏一說器差別謂說法所授之器信等五根有下中上故亦是鈍中利謂於教理受有遲速及多少故。鈔受有遲速者鈍者遲少利者速多中者水鴈之間淺深亦爾。

疏一根轉差別過未爲先後際現在已定兩望論差謂前上中下根於三際中互望轉變若後轉爲中上前根則下後轉爲下前根則增是差別義不轉則平是無差別故論云前後根前根下增平故。疏三三性差別謂約菩薩等三乘根性相形爲上

撰述

華嚴疏卷之二

四

中下故不同第一通於三乘。鈔三乘根性者。小乘爲下。緣覺爲中。大乘爲上。亦猶羊鹿牛形之大小也。

疏四煩惱染差別。謂喜樂等五受根。隨食等煩惱得增上故。鈔謂喜樂者。喜樂生於貪。憂苦生於瞋。捨根生於癡。後於此類煩惱而有勝用。故名煩惱染根。

疏五六二相。明定不定差別。初句乘非乘。皆約熟不熟明。大乘中熟者定。不熟者不定。小乘中熟者不定。可轉向大乘故。不熟者定。各隨自乘而解脫。

故若世間非乘。熟者不定。可化入道故。不熟者報已定故。且斊捨之。卽離世間中。待時方化清淨捨也。後句淳熟調柔。一向是定。鈔大乘中者。前章約業明定不定。今此約根。居然自別。又前定不定明難易處。今此約熟明定不定耳。卽離世間者。彼有十種清淨捨。然有二類待時。今皆當之一。以第四云。於法器衆生待時而化於無法器。亦不生嫌。清淨捨釋曰。今但用法器待時。一第九捨云。或有衆生根已成熟。發生惠念。而未能知最上之法。待時而化清淨捨。今全用之。是以疏云。且斊捨之。

疏六隨根網輕轉壞者。順行差別。此知眼等根順行境界。得增上故。於中有三種順行。一依身順行。謂六入展轉迭共相縛。如網魚鳥。不得解脫。故云根網。此行內境。二生滅順行。謂體是有爲。生住不久。故云輕易可異滅。故云轉壞。三觀行取相順行。此行外境。卽論經云取相。今文闡此。或網中收。

鈔一依身者。此論語倒。云身依順何行。今疏正用。謂六入者。如意識徧緣於六根中。根法隨識亦行六中。眼見自身。耳聞自聲。聲身並在內根所攝。由根隨識。緣於眼根。令根被縛。不得解脫。餘例可知。

故云展轉。一生滅順行。此言是倒。若正應云。順行生滅根與心王相隨染汚。故順生滅易可異滅者。以生住釋輕。以異釋轉。以滅釋壞。三觀行順行者。以覺觀心。行六塵故。或根網中收者。六根取於六塵。根網塵也。六塵引於六根。塵網根也。故其根網攝論取相。

疏七聲聞淨差別。望凡夫二乘行增上故。以二乘根由減障能成。故煩惱無能壞。鈔七聲聞淨下。下一約人。今初聲聞。言望凡夫二乘行增上故者。然論下重釋云。聲聞淨者。行增上減障能成故。今

撰述

毒蘋面錄卷之一

四

夜

疏取論釋經。此上釋增上謂一乘淨相對望凡夫不求涅槃今能求故。於出世得增上也。從以二乘根下。釋無能壞。兼釋論中滅障能成。

疏八菩薩淨差別。此通三種退不退也。鈔八菩薩淨者。卽大乘根三不退。大者卽位證念也。

疏九遠隨等者。示一切根攝差別。謂三無漏根。總攝諸根三者。一始行。卽未知當知根。二方便。卽已知根。正在修道。故名方便。三報熟者。卽具知根。謂前信等。共三無漏根生。而隨優劣三位不同。自始至末。故名遠隨。此之三根。於修無學涅槃得增上。

故鈔九遠隨下。此一約行。卽經遠隨共生不同相。論經云深入共生種種差別相。種種卽不同。深入卽遠隨言示一切根攝下。是論釋經論重釋云。一切根攝差別者。始行方便。報熟根異故。從謂三無漏下。疏釋論文初修爲始。正行善巧爲方便。究竟名報熟。配三無漏義。見上文謂前信等下。以論會經。釋不同遠隨之言。其信等共三無漏根。釋共生義根與法行相應起故。而隨已下。釋不同義。自始至末下。釋遠隨義。此之三根下。釋成根義。以勝用光顯增上名根。

疏此上九中初二約信等三五七八並約三乘。通於諸根四約五受六約眼等九約三無漏根。二十一根已明十九男女命根不足可辨餘如俱舍根品龕說卽然細分無量故結云乃至八萬四千。

鈔此上九下總以義收並如廻向品。

又知諸解軟中上諸性軟中上樂欲軟中上皆畧說乃至八萬四千。

疏第五例三稠林謂解性欲此三與根性相順入舉一可反三隅故皆畧例。鈔第五例三下然解性欲三畧如十方廣如發心功德品言性相順。

入者依根生解依解成性依性起欲皆悉相似名爲相順義理相參名爲順入以此例根更不廣說又知諸隨眠種種相所謂與深心共生相與心共生相心相應不相應差別相久遠隨行相無始不拔相與一切禪定解脫三昧三摩鉢底神通相違相三界相續受生繫縛相令無邊心相續現起相開諸處門相堅實難治相地處成就不成就相唯以聖道拔出相。

疏第六釋隨眠先總後別總中晉及論經皆名爲使論云隨順逐縛義故如世公使隨逐衆生得便

撰述

華嚴疏錄卷之十一

四

七

繫縛。即是隨眠。眠伏藏識。隨逐纏繞。故此唯約種不同小宗。鈔第六釋隨眠。此唯約種者。按瑜伽第二云。於諸法自體中。所有種子。若煩惱品所攝。亦名罇重。亦名隨眠。若異熟品所攝。及餘無記品所攝。唯名罇重。不名隨眠。若信等善根所攝種子。不名罇重。亦非隨眠。何以故。由此法生時所依身體。唯有堪能。非不堪能故。

疏別有十二句論攝爲二。前六明何處隨逐。後六明以何隨逐。鈔前六等者。論中且據隨逐以明。若約繫縛。亦應云何處繫縛。以何繫縛。若順隨眠亦應言何處隨眠。以何隨眠。故下釋中。久安眠處等。

疏今初爲五一。合初二句約心明處。初句於報心隨逐。正顯眠伏藏識。卽久安眠處。而言深者。無始來有。微細難知。故下句於非報心隨逐。卽轉識分別事識。不離現事而生。故但云心。卽毘廻轉處。

鈔今初爲五者。一約心明處。二就果明處。三就位明處。四就時明處。五約行明處。今初言報心者。異熟賴耶。總報體故。微細等義。頻見上文。不離現事者。故唯識等。名前七識爲異熟生。非是報體。酬昔

撰述

垂露疏金卷之一

釋

心種不得名報而七識皆依第八託緣現起名不離現事種隨現起或有或無名轉迴轉處如人假寐不必本房。

疏二相應不相應者約三界明處唯與當界心相應不與異界心相應故論云欲色無色或上中下差別無色惑微所以名下等雖則隨眠性皆成就隨其現惑亦有不相應義鈔二相應不相應中初取論意立名唯與下疏釋相應等相故論云下引證約界言之從無色惑微下疏釋論文下中上言等取色界惑中欲界惑上此約惑體遠公云

欲界爲下等約界勝劣雖則隨眠下通妨謂有間言隨在一界皆成三界所有隨眠如生上界下界惑種亦皆成就如何云有相應及與不相應耶故合答云就其現惑說種相應非生上界失下界種等然今按經但有相應不相應言故爲此釋若準論經云相應不相應不離相則現惑有相應不相應而隨眠常不離也

疏三久遠隨行相者約地明處論云隨順乃至有頂故然有頂之言通有一義一至金剛之頂一至三有之頂今取通大小義直云有頂論經但云遠

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9 90

入今云久遠亦無始來上至九地頂故。鈔一至金剛之頂者。謂金剛喻定之前。猶有無有。無生滅之有。故名有頂以俱生惑種。此時方斷故。以上煩惱林中云下至金剛。自約種說。雖有一義疏意扶此。故上科云三約位處。今取通下會經。不言金剛者。欲通大小故。下偈既云金剛道滅方畢竟。卽前義爲正也。九地之言亦通。一義對上三有之頂。卽三界九地之九。謂欲界四禪四空。應爲九耳。若順後義。卽善慧地第十。當其斷盡位故。

疏四無始不拔相。此約時明處處。旣無邊時。亦無始。唯智能怖隨眠寃賊。旣未曾有聞思修智。故不能拔出。鈔四約時易了。唯智能怖下。此卽論意。以論經云無始來不恐怖相。故論爲此釋。論云無邊世界。唯智能怖畏如怨賊。未曾有聞思修慧。是故不滅。疏取論意會釋今經。

疏五與一切禪定等者。此約行明處。由隨眠隨逐。令世間禪定等。不能滅寢見等心。不能隨順正修行故。名爲相違。故下偈云。禪定境排仍退轉也。鈔不能隨順者。論經神通下有正修行言故。餘可知。

疏後三界下明以何隨逐卽顯隨逐之相由此相故名爲隨眠此有六種一於上三有不斷隨逐所以三有不斷相似相續者由有此使作繫縛故如世眠者不能起牀鈔後三界下明以何隨逐中除第四句彰隨眠體虛餘五亦就前處以明隨逐而文不次一卽就前第二約界明處以明隨逐不斷卽是隨逐之相

疏二遠時隨逐卽於上無始時令心相續現起無邊如世眠者夢心相續鈔二卽於前第四約處明以辯隨逐卽經令無邊心相續現起相而論經

云無始來相續集相疏中雙會無始無邊然其相續卽隨逐相

疏三開諸處門者一身生隨逐謂於前一身之上報非報心明隨逐也如世眠者夢中見聞於中二義一令眼等諸根門集生六種識時使與同生故云開門此明外逐方便心二論云及阿賴耶熏故此明內熏報心論經門字下更有集字卽阿賴耶集起之心然是諸處通依故今經義含耳鈔三開處門卽於第一約心明處以辯隨逐集生六識卽隨逐相餘如疏文但言今經義含者諸處之中

意處攝賴耶故。

疏四堅實難治。卽不實隨逐謂修禪等時。不得真實對治故。不實堅實如世重眠。不得重觸大聲。無由起故。鈔四堅實下彰隨眠體虛不就前處言。不實堅實者。經云堅實難治。論云不實隨逐不實。卽是隨眠隨逐至禪定等故。是堅實卽不實難治。是隨逐相。

疏五地處等者。微細隨逐。此於上有頂處九地中。六入處煩惱身隨逐故。然九地有一義。一約三界九地。雖並成就細故。不知成處多少。名不成就。如

世眠者。夢中謂覺。一以善慧爲九地。十地猶有。故名微細。不成就者。此地中分有斷除故。故下偈云。金剛道滅方畢竟故。鈔五地處者。五卽就前第三約位明處。以辨隨逐。言九地中六入處者。以論經云。地入隨順不隨順相論。釋云。九地中六入處煩惱身隨逐故。釋曰。身卽體也。然九地下。是疏釋論。對一有頂。存二九地。二約善慧九地中。就所知障種。十地猶有等覺。一愚從入地來。地地雙斷。故於九地已斷十八。故云此地分有斷除。次引金剛方畢竟。雙證上二金剛方畢。明十地猶有。旣言方

撰述

華嚴疏抄卷之十一

七

畢。明九已有除。又約煩惱障種。金剛頓斷。亦成於經地。地之中皆有成就義。

疏六離苦隨逐。謂唯無分別智。出世間聖道。方能拔出。如眠得觸。鈔六離苦隨逐者。此就前第五約行明處。辯隨逐義。唯以出世聖道方能離者。則反顯世間之道。諸定等不能離也。故論云。餘行不能離故。此以不能離。卽隨逐相。前第五中以有成就爲隨逐相。

又知受生種種相。所謂隨業受生相。六趣差別相。有色無色差別相。有想無想差別相。業爲田。愛水潤。無界貪求相。

疏第七釋受生稠林中十句。先總後別。論通爲八。一身種種。謂形類多故。二業因種種。鈔第七受生稠林論通爲八者。八中前七對因顯果。後一約對後苦。彰能生集。就前七中攝爲三對。謂初二。次三後二。其三對中。皆初當相論生。後對因說生。就初對中。一身種種當相論生。二業因種種對因辯生。由業不同。故生成種種。

撰述

聖嚴疏金卷之二

三

农

疏三。住處種種。四。四五。一句。色想上下種種。五。同外色因種種。謂田等取外同喻故。鈔第二對三句中。前一句當相論生。三住處種種。非唯六趣。一趣之中。無量處故。四。四五。一句。色想上下種種者。今經一句爲論中一句。經云。有色無色差別相。有想無想差別相。一界有色。無色界爲無色。無想天爲無想。餘皆有想。而言上下者。以無色爲上有色爲下。無想爲上有想爲下。應更有非想非非想。亦無想收。而論但云色想上下。故遠公問云。無色云何得爲色中上下。釋云。彼無罣色。有細色故。又問

無想云。何得爲想中上下。答義同前。意云。彼無罣想。有細想故。餘如初地中辨。五同外色種種。卽對因辨生。以舉過業之因。顯有芽故。廣如六地。

疏六。自體種種。名色與識俱生。相依不離。是報自體故。七本順生。因種種。謂癡愛爲本。順生求有。令有續故。鈔第三對中。六自體種種。卽當相論生。亦如六地。然有體。唯名有體。唯色有體。具二故。云種種。七本順生。下卽對因辨生。此上論文。謂癡愛下疏順論釋。若遠公云。論中語倒。若正應云。順本生。因謂現在之生。本因癡愛。依今生上。還起癡愛。

故云順本亦不違理。

疏八末後二句集苦諦種種謂三求不同皆是集因但集苦果故云種種上句顯欲有三求欲受卽欲求貪愛共取追求不已故欲生卽有求愛生三有自得勝身復攝眷屬故言無始樂著者顯上二求之過下句卽邪梵行求由心取著故不知三界輪迴貪求三界大小無量之相妄謂涅槃謂或拍腹爲道或計無想非想爲涅槃故鈔八末後下約對後果彰其生集故名集苦諦種種謂三求下疏取論意以爲解釋論中先總釋論名後上句下

別消經文先釋上句二求言欲受者受卽樂受欲生五欲增取追求招於當苦言欲生者體卽是想取三界勝相而欲生故下句卽邪梵行求中初總明此言輪迴卽論往來上下次貪求三界下別說小卽欲界大卽色界無量卽空識一無色並如八地妄謂涅槃總相而說或謂拍腹卽檀提婆羅門拍腹唱言我身卽道是計欲界爲道無想卽計色界爲道非想卽計無色界爲道則上二無色亦在其中一界偏舉此二天者外道多計爲涅槃故然論經云貪著三界想出想故而論以無想天釋經

想字意云彼有細想外道妄計以爲無想。有想謂無云想出想成實論中亦謂無想。天但無罣想而有細想故論結云外道妄計謂出有輪故知三求但增集因展轉招譽。

又知習氣種種相所謂行不行差別相隨趣熏習相隨衆生行熏習相隨業煩惱熏習相善不善無記熏習相隨入後有熏習相次第熏習相不斷煩惱遠行不捨熏習相實非實熏習相見聞親近聲聞獨覺菩薩如來熏習相。

疏第八釋習氣中亦先總後別總云習氣既通二

義不可局於羅漢餘習雖標習氣別中皆言熏習。鈔第八習氣林總有四義初標章中卽餘習熏習而爲二義標章通故雖標習氣下引文證成熏種之義故唯識第二云內種必由熏習生長親能生果是因緣故外種熏習或有或無爲增上緣所辨成果必以內種爲彼因緣是共相種所生果故。

疏熏謂熏灼如外香氣習謂習學唯約有情習必能熏以成氣分故云習氣卽賴耶識以爲所熏以恒住一類是無記性可受熏故前七轉識以爲能

熏。由有生滅。勢力增盛。有增減故。能所共相和合。故名熏習。此如攝論及唯識第一。若依起信真如亦能內熏。佛善友等以爲外熏。內外和合以成氣分。前中雖聞教等。亦因識能領受。故判識爲能熏。今並通此。文中既有因熏與果等。定知熏習種成爲氣分義。鈔熏謂熏灼下。第三正釋於中有二先釋名。卽唯識文。卽賴耶下。釋熏習義於中有三。一法相宗。亦唯識文。問明已廣。今疏文具。更畧示之。論云。所熏能熏。各具四義。令種生長。故名熏習。何等爲所熏四義。釋曰。疏云。卽賴耶識。以爲所熏者。出所熏體。唯有賴耶。具四義。故得名所熏。以恒在一類下。卽出四義此上一句。卽第一義。論云。一堅住性。若法始終一類相續。能持習氣。乃是所熏。此遮轉識。及聲風等。性不堅住。故非所熏。一是無記性者。卽第二義。論云。一無記性。若法平等。無所違逆。能容習氣。乃是所熏。此遮善染。勢力強盛。無所容納。故非所熏。由此如來第八淨識。唯帶舊種。非新受熏。此極善故。二可受熏者。卽第三義。論云。三可熏性。若法自在。性非堅密。能受習氣。乃是所熏。此揀心所。及無爲法。依他堅密。故非所熏。心所

者。出所熏體。唯有賴耶。具四義。故得名所熏。以恒在一類下。卽出四義此上一句。卽第一義。論云。一堅住性。若法始終一類相續。能持習氣。乃是所熏。此遮轉識。及聲風等。性不堅住。故非所熏。一是無記性者。卽第二義。論云。一無記性。若法平等。無所違逆。能容習氣。乃是所熏。此遮善染。勢力強盛。無所容納。故非所熏。由此如來第八淨識。唯帶舊種。非新受熏。此極善故。二可受熏者。卽第三義。論云。三可熏性。若法自在。性非堅密。能受習氣。乃是所熏。此揀心所。及無爲法。依他堅密。故非所熏。心所

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

不自在無爲性堅密。四能所共相和合者論云。四與能熏共和合性。若向能熏同時同處。不卽不離。乃是所熏此遮他身利那前後無和合義。故非所能熏。此義疏家在於能熏第四合舉。前七轉識者。卽出能熏體。由有生滅下。卽出四義論云。何等名爲能熏四義。一有生滅。若法非常。能有作用。生長習氣。乃是能熏。此遮無爲。前後不變。無生長用。故非能熏。二勢力增盛者。卽第二義。論云。二有勝用。若有生滅勢力增盛。能引習氣。乃是能熏。此遮異熟心。心所等。勢力羸劣。故非能熏。彼疏釋云。言勝用。

者謂前七識可是能熏。據前六識異熟生者。及第八心王心所雖是能緣而不強盛。不名爲勝。故非能熏。三有增減者。卽第三義。論云。三有增減。若有勝用。可增可減。攝根習氣。乃是能熏。此遮佛果圓滿善法。無增無減。故非能熏。彼若能熏。便非圓滿。前後佛果應有勝劣。能所二法者。卽合辯第四能熏。論云。四與所熏和合而轉。若與所熏同時同處。不卽不離。乃是能熏。此遮他身利那前後無和合義。故非能熏。自他不得互熏。前後不得互熏。論云。雅七轉識及彼心所有。此勝用而增減者。具此

四義可是能熏釋曰所以能所第四合者有二義故一以二種第四但能所異言全似故一用此文別爲總結故論結云如是能熏與所熏識俱生俱滅熏習義成令所熏中種子生長如熏芭勝容名熏習若依起信下第二法性宗中熏習之義並如問明前中雖聞等第三據濫通妨亦唯識意故云前中亦爲據於起信等中善友聞法爲外熏故今並通此者四通結上文性相二宗熏習之義及餘習義經文皆具。

疏別中十種差別一與果現在非現在差別謂過

去善惡業因與今現果同起名行不同起名不行如人行施今得人身亦常好施等此卽因習鈔別中乃有下別釋疏文有一先當句釋後總結束中畧今若具說前七約時明習次一約道後二約人前中又三初二對過說習次三現在望現說習後二以現望後說習疏文皆具今初初句卽因習也。

疏一隨趣熏者道熏差別如從天來今猶鮮淨廣明道習如大威燈光仙人所問經此卽果習上二皆是對過說今鈔一卽果習如大威燈光仙人

撰述

華嚴疏錄卷之二

七

卷

者。彼云。問疑經此仙爲首廣有問答。末後諸仙同問此義。云衆生業持猶如流星各各別異。云何得成真實聚集下取意引佛言無時方處而持得聚集過一乘已。若菩薩地中方得聚集無餘涅槃中。方得聚集如百川歸海。又云我雖說煩惱平等中。得聚集亦非聚集如風吹蟲聚在一處。風息還散衆生亦爾。業風吹聚地獄餓鬼等處業盡還散。又問意云先同在六道後人中相遇云何得知先來聚集佛言大仙人所有衆生若相見時心不歡喜生嗔結恨或時頭痛或時失禁大小便利當知是

輩已於先世地獄之中曾聚集相。又問若先世曾在畜生中百千萬身一處者云何可知佛言彼生人中各相見時結成瞋怨常覓其便我當何持覓得其便即畜生中曾聚集相若餓鬼中來常樂臭穢復多貪食設欲與他心不去離生惱貪著或復見彼富貴勢力心生嫉妒復常欲得彼人財物若有先世同在人中曾共一處者於現世中若相見時更生欲心若有先世共在天中若相見時各以眼道遠相攝取共相眷愛仙人聞此稱讚如來是一切智。

疏三隨衆生行者。親近衆生熏差別。此是緣習。故宜遠惡近善。慎所習也。所以昔王不立廄於寺。而立之於屠。鈔三隨衆生行者。此下三句。現望現在以說習氣。所以昔王下。卽智論文。謂此王有象可以敵國。每有怨敵。莊嚴器仗。無不冠勝。後敵國皆懼。久而無敵。遂於寺中立廄。養之。久聞僧衆禮念熏心。馴善成性。後有隣國兵衆相侵。嚴象敵之。都不肯敵。其王憂愁。慮其國敗。智臣白王。此象久處精舍。見聞善事。與之化矣。可處屠坊。令常見殺。後未經久。惡心還起。畜生尚爾。况復於人。近善不

### 善。近惡不惡。

疏四隨業等者。功業煩惱熏差別。功業者。釋經業字。謂是起作事業。揀非業因。如鋟金之子。宜教數息等。煩惱習者。如人喜眠。眠則滋多等。鈔四隨業下。四五一句。約因說習。第四約於作業之因。第五約於善惡之因。如鋟金之子等明法品已引。莊嚴經論說。舍利弗錯教弟子一白骨觀。一數息觀。經歷多年。各不得定。以是因緣。卽生邪見。言無涅槃無漏之法。設其有者。我應得之。何以故。我能善持所受戒故。我於爾時。見是比丘。生邪見心。卽喚

撰述

華嚴疏金卷之二

空

夜

舍利弗而呵責之。汝不善教。云何乃爲是二弟子  
 轉倒說法。汝二弟子其性各異。一是浣衣。一是金  
 師。金師之子應教數息觀。浣衣之子應教白骨觀。  
 以汝錯教令是一人生於惡心。我於爾時爲是二  
 人如應說法。一人聞已得羅漢果。是故我爲一切  
 衆生真善知識。非舍利弗及目連也。釋曰。以此文  
 證明是工業之習。非業因也。業卽下善惡是耳。如  
 人喜眠者卽涅槃十九。大臣皆爲闍王說此偈曰。  
 若常愁苦。愁遂增長。如人喜眠。眠則滋多。貪姪嗜  
 酒亦復如是。

疏五善不善等者。善業等熏差別。此業卽是業因  
 以是善等三性。望來果稱業故。如久行施者。施心  
 轉濃等上三唯約現世以明習氣。

疏六隨入後有者。中陰熏差別。中有卽是本有後  
 故。如梵行人至中有內亦無染欲。鈔中有者。以  
 經文隨入後有論判爲中陰熏故。故俱舍云。本有  
 謂死前居生刹那後。則本有卽是今身。未至當有。  
 於二中間說爲中有。俱舍云。死生二有中。五蘊名  
 中有故。

疏七次第者。與果次第熏差別。謂修善惡業於後

有位諸趣之中受果次第習亦與果次第無差上二約現望後以說熏習鈔七次第等者此言後有卽當本有也遠公釋次第云中有能與生陰之果爲方便故名爲次第疏意云如在因中先多作善後則兼惡後與果時初卽多樂後便有苦先苦後樂義亦準之則受果時如因次第上二約現者第六現望中陰第七現望當有。

疏八不斷等者離世間禪因熏差別謂諸無漏定名離世間禪修學無漏即是彼因由未斷煩惱雖修無漏亦爲煩惱牽煩惱隨至無漏名爲遠行行

亦入義鈔八不斷下此一約道明熏習無漏聖道亦有熏故。

疏九實非實者同法異外道行解脫熏差別同法釋實卽三乘同佛法故異外道釋非實在佛法外故名爲異行者上二之因解脫者上二之果各有熏習好習本法故曾修小乘今雖學大先發小習餘可準知此卽邪正雙明約修證說亦含三乘餘習之相鈔九實非實下後一約人亦含三乘者智論第三云譬如香在器中其香雖去習氣故在如人被縛初得脫時身猶不如畢陵伽羅恒河

撰述

華嚴疏卷之二

卷

卷

女亦第二論舍利弗瞋亦當第一。謂身子爲上座。羅睺羅瘦佛問其故。彼說偈云。若人食油則得力。若食酥者得好色。食麻淳者無氣力。大德世尊自當知。佛問誰爲上座。答和尚舍利弗。佛言舍利弗。食不淨食。今日中炙後復令止。不肯歸已。炙不合止。佛遂引昔爲蛇傷王。咒師設火坑。令其敷毒。若不救者。當入火坑。彼自思惟。我已能吐。云何更救。遂投身入火。故其瞋習至今不已。其大迦葉舞卽智論四十七餘如第二疏抄。

疏十乘熏差別唯就於正約其見聞。故法華安樂行

行令不親近二乘。恐習成種故。鈔法華安樂行者。經云。又不親近求聲聞比丘。比丘尼。優婆塞。優婆夷。亦不問訊。若於房中。若經行處。若在講堂中。不共住止。卽不令近也。恐習成種。卽是疏釋。疏上來十種。前七約時。三世三有。互望明習。通於善惡。八明惡隨於善。後二約人。種種習氣。皆能了之。令成如來無習氣之習氣智故。

又知衆生正定邪定不定相。所謂正見正定相。邪見邪定相。一俱不定相。五逆邪定相。五根正定相。一俱不定相。八邪邪定相。正性正定相。更不作一俱離不

定相染著邪法邪定相習行聖道正定相。一俱捨不  
定相。

文疏第九釋三聚稠林亦先總後別論通爲五總卽  
第一有涅槃法無涅槃法。三乘中一向定差別無  
卽邪定有卽正定各於自乘定故離此不定論畧  
不釋此就種性約位以明外凡無涅槃三乘聖人  
定有內凡不定又約一期久遠非究竟無鈔第  
九三聚林論通爲五者一約生死涅槃之果以分  
次二偏就生死之因後二偏就涅槃之因又約一  
期下揀法相宗無性之義。

疏一善行惡行因差別此約解惑以分三聚謂正  
見是善行因邪見惡行因一見定起二行名之爲  
定言一俱不定者無正慧決擇又不撥無因果率  
之則可清升任之則便鄙替故曰不定下不定倣  
此可知故論皆不釋鈔此約解惑者解爲善因  
惑爲惡因正見卽三善根中無疑惑起善業無貪  
無瞋不定起善則爲不定涅槃經說邪見一種定  
起惡業故爲邪定三則輕微善惡以爲不定前三  
善根者四善根中唯世第一定入離生故三不定  
○疏三惡道善道因差別此約行業以辨四外道聲

撰述

華嚴疏金卷之十一

卷

衣

聞因差別。此約位以分。讎彼八正名曰八邪。外道邪位定。正性離生。聖人位定已入見道。故前三善根則名不定。五菩薩差別。此約修大乘者得失以分。著邪是失。所謂六蔽聖道爲得。卽六度等。

信士盛以約捐資八兩三錢一分六釐刻此一卷伏願

受天祐而通顯夙遂仗佛持而福壽永暱者

### 大方廣佛華嚴經疏鈔卷三十八之三

于闐國三藏沙門實叉難陀譯

清涼山大華嚴寺沙門澄觀撰述

佛子菩薩隨順如是智慧名住善慧地。

疏第三總結安住文屬入行論意總結前二故云前二種事成就方能安住此地。鈔總結前三者卽一法師方便成就。二智成就。三入行成就。住此地已了知衆生諸行差別。教化調伏令得解脫。

疏大文第四。住此地已下明說成就亦攝善法行。辨才饒益多同彼故文中二先牒前總顯謂了心。

行方善說故。鈔大文第四先牒前者住此地已。  
名爲牒前了知已下。卽是總顯先了心行後教化  
調伏令得解脫。卽是善說。

佛子此菩薩善能演說聲聞乘法獨覺乘法菩薩乘  
法如來地法。

疏後佛子下廣顯說成有三成就一智成就謂知  
法知器知化儀故二口業成就能起說故三法師  
自在成就得陀羅尼等成彼德故各有佛子以爲  
揀別今初分一先明隨所知之法二一切下隨所  
依之器此二何異前文智成入成前二各別而知

今此總收以法逗器今初所知法卽三乘一乘解  
脫差別各含教證教道以將化生令器熟故證道  
以將度生令得解脫正體度故鈔此二何異下  
問答料揀先問後前二下答謂若前二別知智成  
如別知本草別明入成如別知脈經今此依脉知  
病授本草藥教道以將化生者文無教證故各含  
之其教證言在前總中教化調伏卽是教道令得  
解脫卽是證道此三乘中皆具此二以論經前文  
總中但云此菩薩住善慧地已如實知衆生如是  
諸行差別之相隨其解脫而與因緣無有教化調

撰述

華嚴疏錄卷之三

一

夜

伏之言。及至此經所知法中。論經却云。是菩薩如實知化衆生法。如實知度衆生法。說聲聞乘法。說辟支佛乘法。說菩薩乘法。如實知如來地法。論釋云何者隨所知說解脫器得熟故。卽證道中解脫體正度故。卽教道中疏依論經有教證義。仍取前文教化等言。故云含有。

一切行處智隨行故。能隨衆生根性欲解。所行有異。諸聚差別亦隨受生煩惱眠縛。諸業習氣而爲說法。令生信解。增益智慧。各於其乘而得解脫。

疏二隨所依中。文有三節。初總明次能隨下別顯。

後令生下結益論王通收爲七種器。一說所說法對器自釋云隨應度者授對治法故。卽總中二句。下句是說所說法上句卽所對之器。鈔論王通收者謂收上總明爲第一器。收下總結爲第七器。一說所說法對器中先舉論卽總中下指經。

疏別中初能隨及後而爲說法。卽上說所說法中間根等諸林。卽是所對之器。於中準論經衆生下有心字。卽是心稠林。通爲五種器。初衆生心根性欲解明。所說法成器。謂十一林之中此五正顯。已成信等法器可隨根欲等說。故別顯之。鈔別中

等者別但開總故先配總中二句以初後六字配經中智隨行句以中間諸林配一切行處而疏但配屬論以前將論屬經意故初衆生下牒經經無心字論文中有及下喻中復要此心故依論義加然論經具云菩薩如是知已如實爲衆生說法令得解脫隨心差別隨使差別隨根差別隨信差別隨境界差別隨種種行習氣隨順一切境界智隨順性行稠林隨生煩惱業習氣轉隨聚差別隨乘信解令得解脫而爲說法釋曰論依上經分成七器初有總心今經畧無心後有使今經爲眠縛在

於向後今經云性在於第一論云性行文在於後故今疏中但順經文會取論意以配屬耳此五正顯者然心一種但是總依未成器故論經中則有心字釋義不牒但云隨根隨信而爲說法故疏但云已成信等法器不言於心以是總依故言有五疏一所行有異含其一義一約能行之行名種種異行器卽上根等能行二所行之境卽上根等所行名譬喻器總喻上五故如世稼穡具五因緣彼所種物成就堪用一有心物二有根益其生力三有可生性四含潤欲發五決定可生喻上心等故

撰述

華嚴疏卷之三

四

衣

云譬喻。鈔一約能行者。然論經中具於二句。論別將屬於二器。一二云隨譬喻器。如經隨境界差別種種行習氣故。二云隨種種異行器。如經隨順一切境界智故。今經既闕二句。但有所行有異。卽論前句中種種行習氣故。疏取意開成二器。以順論文言種種異行者。如根有於能行信進念定慧等。言所行之境者。卽所信佛法僧等乃至所知。如根旣爾。性解欲等亦然。能勝解者。卽印持心所勝解者。卽所印境。謂所解真理等。能行卽有根性等殊名種種行。所行境中。隨於一境。卽須有五。故爲譬。故疏結云。喻上心等。

疏四諸聚差別者。卽定不定根轉器。亦通上根等。鈔卽定不定者。定通邪正。二俱不定。卽是轉言。通上根等者。根性欲解。皆悉有於定不定義。疏五亦隨下。隨辭辨器。以彼生煩惱業。熏難捨。要作同行巧辨。方能化故。鈔以彼生煩惱者。卽三

雜染生。卽是苦煩惱攝。眠縛。卽是隨眠。是論之使而論。乃在第一心下。故此不言。然其類例。不合在前。多是譯人見其性義。謂是隨眠。故類前後。名之爲使。以性同種性似種子故。而論前文。闡性字義。必譯人失論經意。故今疏文。直按今經論意。釋義。甚符順疏。

疏三結成益。卽隨乘因能。乘出器以上諸義。不離自乘。解脫故。鈔二結成益下。卽第七器言以上諸義。不出自乘者。上六器義。不出三乘。

佛子。菩薩住此善慧地作大法師。具法師行。善能守

讀如來法藏。

疏第二。佛子。菩薩住此下。口業成就。曲分爲二。先總明。具說之德。二以無量下。正明口業成就。今初亦是智成就。以具法師行。卽是智故而言說者。護如來法藏。通於說故。斯則內持於智。外口說故。何名具法師行。深妙義中。具二十種功德故。一知時。二正意。三頓。四相續。五漸。六次七句。義漸次。八如法。十五隨衆。十六慈心。十七安隱心。十八憐愍心。十九不著名利。二十不自讚毀他。廣釋如論。

撰述

華嚴疏錄卷之三十八

六

衣

鈔今初亦是下。義有兩兼。故云亦是。而智先已說此中之智爲成口業。故論但云口業成就何名具下。先引本論。但舉論列名。廣釋如論者。以文多稍易。非正釋經故畧指耳。今具出之。論二十德分之爲二。前十五種是隨順說。外順說儀故。後之五德是清淨說。內心無過故。前十五中。義分爲六。初有兩句。量他所宜。二有二句。量法所宜。三有三義。量化所宜。此與量他而有別者。前者量他受法之心及法威儀。今此量化。量物機性。四從八示下三義。量物所宜。五第十一具德一句。亦量自所宜。與第

二量法異者。前量說心。及量說事。今量說智。六從十二不毀下四義。明其說能順益已知大旨。次當解釋。初言時者。觀察物心。無留難時。而爲說法。論云。是中時者。無八難故。如偈說云。如王懷憂惱。病患著諸欲。險處無侍衛。讒佞無忠臣。如是八難時。智臣不應語。心王亦如是非時不應說。釋曰。論但兩偈。更無解釋。今當釋之前一偈半是喻。但半偈合。王喻衆生。於所說法。取捨自在故。一如人憂惱。言不入心。衆生憂惱。法不入心。二病苦喻衆生。有苦法不入心。三恚四欲可知。五險處喻八難處。六

撰述

正法華經疏卷之三

無善法爲無侍七惡友讒佞。八無善友忠臣。此八皆爲法之難。二正意者論云正威儀住非不正住此義云何。自立他坐不應爲說法。如是等事。如戒經中廣說。何以故。諸佛菩薩敬重法故。以恭敬故令他生尊重心。聞法恭敬。攝心聽故。釋曰。上量他所宜竟。二有二句量法所宜者。卽三頓四相續論云頓者。是菩薩正意爲一切衆生說。一切離慳法垢故。釋曰。說一切法是法頓也。離慳法垢故。卽心頓也。生多法廣事雖難盡。但捨慳垢卽名頓矣。論云相續者。說無休息。捨諸法中嫉妬意故。釋曰。說

無休息者。說相續也。捨嫉妬意心相續也。事難當俱。但捨妬心卽名相續。第三三句量化所宜者。謂五漸六次七句義漸次論云漸者。如字句次第說。故釋曰。此約教明論云次者。如字句次第。義亦如是說。故釋曰。此依義也。論云句義漸次者。說同義法不說不同義法。故釋曰。此依行法次第說。亦可於前教及義中說。同義法不說不同義法。是義云何。如四諦中苦說有作。集滅道中亦說有作。苦說無作。集滅道中亦說無作。如是一切不相間雜。故曰同義四有二句量物所宜者。謂八示九喜十勸。

60 1 2 3 4 5 6 7 8 9

70 1 2 3 4 5 6 7 8 9

80 1 2 3 4 5 6 7 8 9

撰述

華嚴疏錄卷之三

六

論云示者。示所應示等。故釋曰。如小乘根應示。小等。等者授所應授。照所應照等。論云喜者。喜所應喜。等量宜開曉。令歡喜故。論云勸者。怯弱衆生。勸令勇猛。故五一句亦量自者。論云具德者。現智比知。阿含所證具說故。釋曰。現比一對。情意分別。教證一對。約境分別。倘此四種能說之德。故云具德。六有四句。明具說能順益。謂十二不毀。至第十五。論云不毀者。隨順善道說故。釋曰。說能隨順出世之道。論云不亂者。不動不雜。正入非稠林故。釋曰。此明說能順理。不動者。言不太淺。太淺失理。名之

爲動不雜者。說不太深。不雜深隱。言正入者。顯前不動。言能顯理。令人正入非稠林者。顯前不雜。語不深隱。不如稠林難見知故。論云如法者。具說四聖諦。故釋曰。謂說稱於四諦法相。能令人知苦斷集證滅修道故。論云隨衆者。於眾衆八部。隨所應聞。而爲說法故。釋曰。此明說順於人故。論總結云。如是十五種相。菩薩隨順利益他說一切法故。後之五種是清淨說者。謂十六慈心下是。論云慈心者。於怨衆生起慈心說法故。釋曰。怨多瞋。故論云安隱心者。於惡行衆生中起利益心說法故。釋曰。

惡行必當受大苦故論云憐愍心者於受苦樂放逸衆生中起憐愍利樂心說法故釋曰於受苦者愍其現苦於受樂放逸者愍其當苦論云不著名聞利養者心不希望常行遠離故釋曰未得不怖已得能離故論云不自讚毀他者離我慢嫉妒隨煩惱爲衆生說法故釋曰隨緣現起名隨煩惱以離我慢故不自讚以離嫉妒故不毀他論結云如是五種相菩薩自心清淨故論又總結云具此二十事能作法師是名住大法師深妙義中疏涅槃具七善知名大法師與此畧同慈氏論說

具十德者名大法師攝義具足一善知法義二能廣宣說三處衆無畏四無斷辯才五巧方便說六法隨法行七威儀具足八勇猛精進九身心無倦十成就忍力會之亦同鈔涅槃具七善知下二引他文此中有二二引涅槃先雖廣引今畧列名一知法二知義三知時四知足五知自六知衆七知尊卑慈氏論下二引論二十者一善知法義卽攝三事一漸二次三句義漸次二能廣宣說攝二卽頓及具德三處衆無畏卽隨衆四無斷辯才卽相續五方便善巧攝三二知時二示三喜六法隨

法行攝二。如法。一安隱心。七威儀具足。卽正意。八勇猛精進。卽攝一義。一勸。一憐愍。九身心無倦。攝於三德。一不毀。二不亂。三慈心。十成就忍力。卽攝二德。一不著名聞利養。二不自讚毀他。故諸經論。開合不同。大旨無別。會之亦同。下會瑜伽。同上二文。一會七善知。謂一善知法義。卽是初二。具上二義。故能廣說。三處衆無畏。卽知衆。四辨才無斷。卽知時。五善巧方便。卽知尊卑。六法隨法行。卽知自。七威儀具足。亦知尊卑。八勇猛精進。卽是知足。九身心無倦。十成就忍力。皆由具上七故。

以無量善巧智。起四無礙辨。用菩薩言辭。而演說法。此菩薩常隨四無礙智轉。無暫捨離。何等爲四。所謂法無礙智。義無礙智。辭無礙智。樂說無礙智。疏第二。正明口業中。先畧明後此菩薩。以法下廣顯。今初先顯名體。謂外由菩薩美妙言辭。而演法義。名四無礙辨。內由智起名。四無礙智。次辨體者。此智卽無漏後得爲體。故云善巧。卽上知法。知機智也。義無礙解。或通正體。鈔今初先顯名體者。文有三節。一顯名體。經文是一義。含名體。謂經從初至而演說法。皆是釋名。有一名。故次辨體者。

1 2 3 4 5 6 7 8 9

70 1 2 3 4 5 6 7 8 9

80 1 2 3 4 5 6 7 8 9

重取善巧智字。以爲辨體義無礙下。隨難別釋。義名所以知是差別。卽後得智。無心照理。卽通正體。○疏次此菩薩下。約位顯勝。以初地分得。此地任運。故無暫捨。鈔約位顯勝文意可知。然此無暫捨離論名不壞論云。不壞者。不動故。卽無暫捨義。疏後何等下。徵列名字。知緣法等。無拘礙故法等。皆智境界。從境分四。鈔後何等下。三徵列名字。於中有二先釋通名。上釋名中。但釋辯智。今釋無礙。

疏一法者法體。謂法自體。有軌持故。卽一空所攝。

卽真之俗境。故論云。遠離一邊。生法所攝。如色礙相等。鈔一法者下。別釋四名。然唯識云。法無礙智。緣能詮教法爲境。義無礙智。卽於所詮總持自在於一義中。現一切義。故詞無礙智。卽於言音展轉訓釋。總持自在於一音聲中。現一切音聲。故樂說。無礙智。緣機巧說爲境。又云。辨才自在者。謂辯無礙解。善達機宜。巧爲說法。俱舍亦以法緣能詮。釋云。名身者。所謂想章字總說。釋曰。以想釋名。以章釋句。以字釋文。以總釋身。論云。名謂作想。解云。想者。取像或契約義。若取像名。想想是心所。如說。

於色能生色想。因名生想。名爲作想。若契約義想。即是名。謂諸賢聖共爲契約。立色等名。名即是想。由此名想。顯有詮表。故名作想。餘義準說。今之本論。釋法無礙。不局能詮。故云法體。如色礙相。然論一時列名云。是中四無礙境界者。一法體。二法境界體。三正得與衆生。四正求與無量門後方牒釋。今疏四中文皆二節。一牒經舉論立名。一謂字下。是疏釋論。三故論云下。舉論牒釋。今初法中論牒釋內。以色從緣集。非定斷常。故離二邊辨俗異真。云生法所攝。卽二執所依之法言。如色礙相者。正

### 出法體

疏一義者法境界體。謂於法體上差別境義。卽上二空所攝真諦之境。故論云。卽彼遠離二邊生法所攝中。如實智境界。故然得此真智者。由菩薩於生法二執所攝境中。以智安住。求彼色等。但是虛妄。卽俗而真。是彼色等之中別義上。卽遠公之意。其猶不生不滅。是無常義。亦可不約二諦法。約自體義。約差別。謂十一色等虛妄分別之相。卽是別義。言如實智者。稱事實也。鈔二義中第三段內文曲有四。一舉論牒釋。一然得下。遠公釋論以法。

1 2 3 4 5 6 7 8 9

70 1 2 3 4 5 6 7 8 9

80 1 2 3 4 5 6 7 8 9

爲俗以義爲眞。應有問言法義不同。何以論文皆有遠離。一邊生法所攝。故釋意云。隨順觀察世諦。卽入第一義。故三上卽下。疏成遠公義四亦可下。是疏別義於中一意。先正釋後言如實下解妨。妨云若義亦俗諦。何名如實答云。約如事實。

疏二詞者正得與衆生謂得彼方言。與他說故。故論云。於彼如實智境中。隨他所喜言說正知。此釋正得隨他言說正知而與故。此釋與衆生。

疏四樂說者正求與無量門。謂樂說乃辭中別義。七辨剖析名無量門。論云。於彼隨他所喜言語。正

知無量種種義語。隨知而與故。鈔正求與者邪。求不與。

疏一廣顯中理實此四通該一切。且約圓數以列十門各有復次論云。後五是淨者。謂三乘行果。則顯前五是三乘教理通於染淨。言十者。一依自相。謂知事法體各殊故。二依同相。謂知理法若性若相各有同理故。三行相。此約時辦法。三世遷流故。上三知義即是所詮四說相。此知教法上四皆約所知。五智相。此約能知。六無我慢相。此約所離明淨。七小乘大乘相。此約所行。上二通辨諸乘行果。

後三別約一乘八菩薩地相。此約因行後二知果九如來地相約體十作住持相約用。然十中法義則別。後二多同皆詞則說於法義。樂說乃詞中別義亦有以詞說於法。樂說說義十中皆四無礙。卽四種相。鈔言十者下二列名畧釋。其十相名。卽是論文謂字已下。皆是疏釋。然十中下二總就十中。釋無礙義亦多以下。如第七大小乘相中。法知一乘義知諸乘詞云說一切乘無差別。卽同一乘樂說云說一一乘無邊法。卽同說諸乘意。

此菩薩以法無礙智知諸法自相義無礙智知諸法

別相。辭無礙智無錯謬說樂說無礙智無斷盡說疏今初自相有四種者。一生法自相。謂知色是變礙相等。鈔一生法下次列釋然論諸段皆有三節。一總列四名。二總舉經帖三重更牒釋疏文之中。以論三段。一一別配四無礙義。今初自相論總列名云一生法自相。二差別自相。三想堅固自相。四彼想差別自相。一生法自相者。論標名也。謂知色下疏釋世法集起故名爲生。自性門中辨此生法名生自相下三例然。

疏一義者。差別自相。謂知色有十一處等。上二約

總別以分法義。後二同體義分。鈔一義下論立名。謂知下疏釋卽生法之中差別也。十一處者。五根五境及法處所攝色也。上二下疏結前生後然上諸義論無重釋。

疏三想堅固自相。想者起言所依。亦以慧心取彼二種相故。一隨自所覺諸法相。二隨彼彼所化言詞所宜相以所覺法。隨彼言詞爲彼生說說無錯謬。名爲堅固。論經云不壞者壞卽錯也。鈔三想堅固下是論立名想者下疏釋卽論重釋中意論具牒釋第三句經云是中不壞說者隨所覺諸相。

隨彼彼衆生說法故今疏中先釋想字。言亦以慧心取彼二種相故者總釋。言慧心取者揀異凡想一隨自所覺諸法者卽論隨所覺諸相。二隨彼下卽釋隨彼衆生說法說無錯下以經成論。論經云下會通二經。

疏四彼想差別自相。想義同上但以次第不息。以多異名堅固彼義令他憂樂名不斷盡。鈔四彼想下論立名也。想義下卽疏釋亦論重釋中意論云次第不斷說者次第不息無量衆多異名爲堅固彼義故疏文可知令他憂樂亦樂說義。

疏此自相一門是總故論前總中亦依此釋諸經論中亦多依此。

復次以法無礙智知諸法自性義無礙智知諸法生滅辭無礙智安立一切法不斷說樂說無礙智隨所安立不可壞無邊說。

疏第二同相約性與相分於法義鈔第二同相中論亦二節謂列名經帖重釋一同於前文中初總標法義。

疏一切法同相謂諸法同以無性爲自性故。

鈔一切法下別釋四義此初知法先論立名。

謂字下疏釋論無重釋。

疏一有爲法同相同生滅故謂觀無常門生滅相得入初句法無我性故無我智境得成是則生滅是常義也鈔二中初論立名同生滅相下是疏釋論謂觀下卽論重釋論具云是中無常門入無我義中第二同相初知境界成疏文有四初釋是中無常門一得入下釋入無我義中三故下釋第二同相初知境界成四是下疏以義結若準推無常門入初無性亦是不生不滅是無常義今以經中法尚無自性卽是常也義明生滅是無常也故

撰述

卷之二

二

石

以無常生滅是無性常家義用三詞四辯準此可知。

疏三一切法假名同相故云安立所立之法已是假名更以言詮假名而談名不斷說。

疏四假名假名同相謂不壞前假名更能以異異無邊假名說故重言假名。

復次以法無礙智知現在法差別義無礙智知過去未來法差別辭無礙智於去來今法無錯謬說樂說無礙智於一世無邊法明了說。

疏第三行相中約三世以分法義鈔第三行相

論亦三節疏亦先總分法義。

疏一生行相現法緣生故設知過未亦名現在以三世皆是當世現在故故論云過去未來彼彼世間攝受故鈔一生行相者論立名現法緣下疏釋論名設知下論重牒釋疏中有一先取意釋論本文云一二世現在世故論云下明引論釋釋上一一現在之言見去去闇未去未至限狀與本疏一已生未生行相設知現在亦名過未以現是過家未未家過故是則當世而知名法逆見過未能知現在是則名義爲菩薩智境鈔一已生下

知義先舉論後設知下疏取意釋具足論云見過  
去未來世知見在世彼菩薩智境界成釋曰疏文  
分一先正取意釋二是則下結不上二云何逆見  
過未知現在耶見過去法謝未法未生則知現在  
從未而生必當謝滅。

疏三物假名行相總說三世之物不謬故

疏四說事行相然所說事不出二世總相物中故  
云一一世但曲明異異事法故云無邊法明鈔  
三四可知。

復次以法無礙智知法差別義無礙智知義差別辭

無礙智隨其言說樂說無礙智隨其心樂說。

疏第四說相中約本釋以分法義一修多羅相故  
但云法一解釋相所以名義三隨順相隨類言說  
故四相似說相謂隨心樂聞何法宜何譬喻說似  
彼心故鈔第四說相約本釋以分法義釋卽法  
等次隨音隨心以分詞辨別必帶總皆合有說前  
三畧無。

復次法無礙智以法智知差別不異義無礙智以比  
智知差別如實辭無礙智以世智差別說樂說無礙  
智以第一義智善巧說。

疏第五智相約法類以分法義。一現見智。二比智。比卽類也。然所知境卽是二諦法比等智。是無礙體從體立稱不同前後。又法比等智通於大小。四無礙智唯局太乘。故涅槃說唯菩薩有聲聞設有少故名無若就二智所觀並通大小。約能觀智。唯局大乘於大乘中依觀所取能取以立法類。鈔第五智相疏文有五一分法義既以法比分於法義下約說淺深分詞樂說比卽類也。然所知下二定其境體。若例前後法比二智是所知境經文既云以法智知差別不異。即是就能爲無礙體。二諦

爲境然法比約情智。二諦約事理。又法比下三辨二行通局法比則通無礙則局故涅槃下證無礙智卽第十六經梵行品廣說四無礙竟五聲聞無四無礙無三種法故一者必須軟語然後授法二者必須龜語然後授法三者不軟不龜語然後授法故聲聞設有者是通妨難卽彼經中迦葉菩薩難云若聲聞無者何以如來說舍利弗等有四無礙佛答意云如四河入海此之四河皆有無量水云或得一得二得三不得具四故名爲無卽其義

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

也從若就下結成通局非唯法比通於大小今無礙智所觀亦通大小但能觀無礙局大乘耳卽以法無礙智知法知境及能知智名法智知差別不異也下三例然於大乘下四正明大乘法比之相卽是釋文於中有二先雙標法比

疏一法智觀如故云現見謂觀差別二諦同如不異故鈔一法智下二別釋四相論云一現見智

疏中有二先釋現見後謂觀下釋成現見所以卽論重釋中意然論經云以法無礙智知諸法差別不壞方便釋曰其不壞方便卽今經不異論重釋

云是中法智者知諦差別不異方便法智差別不壞方便故釋曰其知諦差別卽釋經中知法差別二諦不同名法差別言不異方便者釋不壞方便從法智下重舉經帖故取意云差別二諦同如不異同如即是不異所以

疏一比智卽觀前能觀如實分別之智類餘亦爾類何等耶比知如前差別卽如實故鈔二比智下釋義無礙比智二字是論卽觀下疏釋亦卽論中重釋之意彼經云以義無礙智以比智如實知諸法差別釋曰此與今文顛倒論重釋云比智者

撰述

喜慶齋金石錄卷之三

此如實分別餘亦如是。比知實諦差別可知。釋曰。以現所知類度諸法故曰如是。疏中取意其觀前能觀如實分別之智卽如實分別從類餘下。釋論餘亦如是從類何下。徵釋比智如實諦差別知故爲順經中云差別如實故如實在下差別卽如實正辨順上二諦同如了一二諦如卽如實諦知差別耳細尋易見。

疏二欲得方便智謂此是相見道依真假說後得智攝故云世智若欲得第一義假說以爲方便。鈔三欲得下卽論謂字下釋證第一義名之爲得。

善趣向證必假俗諦爲方便故論經云以詞無礙智以世智正見故知說法論重釋中不釋此句疏以相見道釋正見。

疏四得智謂雖以世智說而與第一義相應非顛倒異方名樂說故云善巧可以證得第一義故。鈔言四得智卽論謂字下取論意釋論重釋二云第一義智方便者非顛倒異樂說應知以論經云樂說無礙智以第一義智正方便說故論牒之疏中先釋論非顛倒次故云下結以經帖後可以證下。釋論立名。

撰述

華嚴疏錄卷之三

三

夜

疏餘如唯識雜集各第九瑜伽十六說上廻向品疏已畧明。鈔餘如下。第五指其本源論則可知廻向卽第六廻向。十六智實處明。彼說三心見道亦有法類。一內遣有情假緣智。二內遣諸法假緣智。三徧遣一切有情諸法假緣智。前二名法智。各別緣故後一名類智。總合緣故有說十六心見道自有二義。一依如智。二依上下諦並如前說。然有部則時通處別。現智知於三世之法。名爲時通。比智亦然。現智唯知欲界之法。比智知於上二界法。名爲處別。若依經部成實論明。則處通時別。二智

通知三界名爲處通法智知於現在。比智知於過未名爲時別成實十六無邊空處品中。問此定能緣何地。答此定緣一切地及滅道。問曰。有人言諸無色定雖能緣滅。但緣比智分滅不緣現智分滅是事云何。答曰。緣一切滅以現智緣現自在地滅以比智緣餘滅道亦是能緣一切。釋曰。現智卽法智也。若依深密相續解脫經時處俱非定。現見見法名爲現見智。知他方及他世。名爲比智。又更分別於一切現所知名現智類度解者名爲比智。故不可時處定也。俱舍卽當第二十三大同唯識觀。

上下諦一十六心偈云世第一無間卽緣欲界苦生無漏法忍。忍次生法智。次緣餘界苦。生類智。緣集滅道諦。各生四亦然。如是十六心名聖諦現觀。此總有三種。謂見緣事別。釋曰。從世第一無間卽緣欲界苦。聖諦境生無漏法名苦法智忍。苦忍無間緣欲苦諦。次生法智名苦法智。此智無間次緣餘界苦。聖諦境有類智忍。生名苦類智忍。此忍無間卽緣此境有類智生名苦類智。如緣苦諦餘三亦然。有十六心言苦法忍者。苦是苦諦法忍緣苦法名苦法忍果是等流智。唯無漏爲顯此忍。

亦唯無漏舉後等流以爲標別故忍名智者。從果爲名如苦果樹。樹非苦果從果得名故云智忍。餘可例知。言現觀者。現前觀聖諦故言有三者。一見現觀卽無漏慧見諦分明故二緣現觀此無漏慧及慧相應心心所法同一所緣故三事現觀前相應及餘俱有同一事業故餘俱有者。謂道共戒及生等四相有因故名俱有也。餘廣如彼復次法無礙智。知諸法一相不壞義無礙智。知蘊界處諦緣起善巧辭無礙智。以一切世間易解了美妙音聲文字說樂說無礙智。以轉勝無邊法明說。

疏第六無我慢相中。約真俗以分法義。鈔第六無我慢相。言約真俗者。通就三乘二諦明之。故世諦中。歷三乘法。辭及樂說。但總別分之。疏一第一義諦無我。故云一相。言不壞者。不壞無我故。若言我知無我。我證無我。則壞無我。以有能所故。

疏二世諦無我。故云蘊等。迷蘊著積聚我迷界。著異因我計種族別故。迷處著欲我計爲生門。能受入故迷諦緣起著作我皆明。因果有造作故。並是法我亦通人我。今隨順觀察世諦緣生無實。以爲

對治。得入第一義法無我。名善巧方便。故蘊界等。是菩薩智境所治之我。鈔迷五蘊者。以聚生門種族是蘊處界義。故迷積聚爲蘊。謂有我人亦謂聚色以爲色蘊等。迷十八界者。約法我六根六塵。生識正因。因各異故。有此法我。若外道計中。有人我以爲異因。使知塵等迷十二處者。迷於六入根塵相順。眼見色等。遂生貪者。則有法我。或謂神我。於中能著。猶如一人在於六向。見色聞聲等。迷諦緣者。迷於四諦十二因緣。皆謂以因能作果故。人我可知。故疏雙結。並是法我。亦通人我。今隨順下。

上辨所遣之病。卽是我慢。此下辨能遣之藥。卽是無我觀。世緣生故。無有實。無實卽實爲第一義。故上六地論云。隨順觀察世諦入第一義。從故蘊界下結成蘊等爲智之境。

疏三說美妙無我。慳情稱美。順理爲妙。

疏四說無上無我。故云轉勝。詞中差別。故曰無邊法明。

復次法無礙智。知一乘平等性。義無礙智。知諸乘差別性。辭無礙智。說一切乘無差別。樂說無礙智。說一乘無邊法。

疏第七大小乘相中約權實以分法義。鈔第七大小乘相者。知實爲法。知權爲義。會二歸一爲離。開方便門爲樂說。

疏一觀相。謂一觀不異。唯一事實故。鈔唯一事實者。卽法華云。唯此一事實。餘二則非真。

疏二性相。就彼根性。有三乘故。鈔二中順機說。權卽是義意。

疏三解脫相。會彼三乘同歸一實。解脫相中。無差別故。論云。依同解脫。不懼者。法華云。今我喜無畏。但說無上道故。鈔三中二乘同歸一實者。第一

經云舍利弗當知諸佛語無異於佛所說法當生大信力世尊法久後要當說真實告諸聲聞衆及求緣覺乘我令脫苦縛逮得涅槃者佛以方便力示以三乘教衆生處處著引之令得出又第三經云汝等所行是菩薩道漸漸修學悉當成佛三周之經皆是會二方便歸一真實解脫相者第二經藥草喻品云如來知是一相一味之法所謂解脫相離相滅相究竟涅槃常寂滅相終歸於空卽解脫中無差別也又第二經云但離虛妄名爲解脫其實未得一切解脫則一切解脫三乘同歸也法

華云下釋成上論亦方便品先有一偈云舍利弗當知鈍根小智人著相憍慢者不能信是法釋曰此偈則明如來有畏其謗故次卽云今我喜無畏於諸菩薩中正直捨方便但說無上道

疏四念相卽開方便門隨機念異心行不同以多法明說諸乘法然皆爲一事故論云隨順解脫鈔卽開方便有二義一於一佛乘分別說三名之爲開卽初施權故信解品末云隨諸衆生宿世善根又知成熟未成熟者種種籌量分別知已於一乘道隨宜說三等是也二開者開除開發故第四

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9 90

經云此經開方便門示眞實相斯卽說三爲方便名之爲開卽然皆爲一事下疏是也第一經云我此九部法隨順衆生說入大乘爲本以故說是經亦卽長行中云諸佛世尊唯以一大事因緣故出現於世又云舍利弗諸佛如來但教化菩薩諸有所作常爲一事唯以佛之知見示悟衆生卽其文也故引論明隨順解脫卽方便多門皆順解脫也復次法無礙智知一切菩薩行智行法行智隨證義無礙智知十地分位義差別辭無礙智說地道無差別相樂說無礙智說一一地無邊行相。

疏第八菩薩地相中約地體相以分法義鈔第  
八菩薩地相者說地體爲法地相爲義二辭者說  
相不違體四樂說者說相隨機此之體相卽證教  
二道亦卽前義說二天亦卽不可說及可說義總  
收一品之意廣如本分及請分中。

疏一智相一切菩薩行者總標也何者是耶謂所  
證法行能證智行何以此二名菩薩行以智契如  
故故經云智隨證論云觀智說故此菩薩行卽十  
地智體鈔一智相下卽前釋法無礙上句論標  
名從一切下牒經解釋有兩重微釋何者下此徵

法體經法行智行後徵法智何以名菩薩行答意  
可知故經云下雙舉經論以帖言論云觀智說者  
論具云是中一切菩薩行者法行智行是現觀智  
說故

疏一說相謂體雖一智相有十地分位故然此分  
位由心差別故論云十地差別者謂心而名說相  
者約口言也以論經云義無量者說十地差別故  
作是釋斯則異前義大鈔斯則異前顯義無  
礙卽說是大前法無礙是義大也

疏二與方便相謂巧說十地授與衆生不顛倒教

授與地證道無有差別故鈔謂巧說十地者釋  
方便言從授與下釋無差別言乃有二意一稱機  
不倒爲無差別二不違證道爲無差別如鳥跡合  
空

疏四入無量門相入諸地相差別故

復次法無礙智知一切如來一念成正覺義無礙智  
知種種時種種處等各差別辭無礙智說成正覺差  
別樂說無礙智於一句法無量劫說不盡

疏第九如來地相約真應以分法義謂一法身  
相卽始本無二之法身故云一念成正覺鈔第

九如來地相中。以始本無二釋一念者。以起信云。謂一念相應慧。無明頓盡。名一切智。言一念相應者。卽始覺與本覺相應故。彼論云。如菩薩地盡滿足方便。一念相應。覺心初起。心無初相。以遠離微細念故。得見心性。心卽常住。名究竟覺。正是始本無二相也。次上論釋本覺竟云。何以故。本覺義者。對始覺義說。以始覺者。卽同本覺。又云。若得無念者。則知心相生住異滅。以無念等故。而實無有始覺之異。以四相俱時而有。皆無自立。本來平等。同一覺故。以始覺同於本覺。無復始本之異。於一念

相應。亦是一念頓覺。一切法故。故淨名云。一念知一切法是道場。成就一切智故。餘並可知。

疏一色身相種種時者。隨何劫中。種種處者。隨何國土依報事。各差別者。隨何等佛身正報事。

疏二正覺相通說。正覺十佛差別故。

疏四說相佛德無盡。故說亦無盡。

復次法無礙智。知一切如來語力無所畏。不共佛法。大慈大悲。辨才方便。轉法輪。一切智智隨證。義無礙智。知如來隨八萬四千衆生心行根解差別音聲。辭無礙智。隨一切衆生行以如來音聲差別說。樂說無

撰述

華嚴疏鈔卷之三

三

夜

礙智隨衆生信解以如來智清淨行圓滿說。

疏第十作住持相約諸佛能說德所說聲教以分法義。鈔第十作住持相約就能所以分法義亦是總別總知如來所轉法輪名法別知八萬四千差別爲義而前意義長故疏但舉一意辭及樂說同體義分依前法義起說名辭辭中差別說爲樂說。

疏一覺相卽作住持德覺法性相故語者隨自意語隨他意語隨自他意語此能說法故十力破魔橋慢無畏伏外道不共異二乘慈悲故常說辨才說。

故能說方便者隨順物機轉法輪者正說此上皆一切智智隨證鈔隨自意等者論主但云語者能說法故疏以涅槃意明如來說法不出三語卽三十五迦葉品中因說若言衆生定有佛性名爲執著若言定無是則妄語便云如我說十二部經或隨自意語等初會已引今更畧示如五百比丘各說身因問佛佛言我爲欲界衆生說父母以爲身因結云是名隨自意語次云如答把吒長者問瞿曇知幻應是幻人佛反問云汝識王舍城中氣嚙栴陀羅否答云我知佛言汝知栴陀羅而非栴

陀羅。我知幻者。豈是幻人。結云是名隨他意語。次言世智說有。我亦說有。世智說無。我亦說無。是隨自他語等。十力以下。轉法輪之德。此上皆一切智智。下結釋經文。

疏一。差別相。知佛隨心種性等。差別聲教故。

疏二。說相。用前音聲差別說故。

疏四。彼無量相異異說故。隨信解者。示現菩薩無盡樂說故。以如來智等者。諸佛法身以利生爲行。此行合智故。無垢清淨不可破壞。故云圓滿。此地分得。故用之而說。

佛子。菩薩住第九地。得如是善巧無礙智。得如來妙法藏。作大法師。

疏第三。佛子。菩薩住第九地下。法師自在成就中。二先牒前標後。一得義下。正顯成就有四種事。一持成就。得不失故。二說成就。巧能演故。三問答成。就斷疑網。故四受持成就。更受勝法故。則前三自分後。一勝進。又前一釋得妙法藏。後三釋作大法師。於此四種。皆無縛著。卽攝第九廻向也。鈔第三法師自在成就。二又前下對釋標文。得義陀羅尼。法陀羅尼。智陀羅尼。光照陀羅尼。善慧

撰述

華嚴疏卷之三

三

衣

陀羅尼衆財陀羅尼。威德陀羅尼。無礙門陀羅尼。無邊際陀羅尼。種種義陀羅尼。如是等百萬阿僧祇陀羅尼門。皆得圓滿。以百萬阿僧祇善巧音聲辨才門。而演說法。

疏今初分二。初列十持。持先已得。後此菩薩得如是下。用前十持。持當所得。今初先列十持。並從所起業用立名。初三起意業。次三起身業。後四起口業。

疏一持義。二持教法。三持能知。四善轉者慈光攝受。五剛强者善慧降伏。種種施爲故。六上供諸

佛。下攝貧窮。故名衆財。七於大乘中極劣衆生。示教大乘威德勝利。令生喜故。八不斷辨才。智常說故。九無盡樂說。深說故。十種種義樂說。廣說故。

鈔一義持下。三別釋。然以人望法。十皆所持。約三業中。亦有能所。初三意中。義教所持。次三是能知。身業三中。通能所攝。而初二以正報攝。後一以依攝。後四口中。七以教攝。二八以辨。九十所說深廣。九無盡樂說深者。深約契理。何有盡時。十廣可知。○疏後如是下總結。以百萬下顯持之用。此菩薩得如是百萬阿僧祇陀羅尼門。已於無量佛

撰述

華嚴疏卷之三

三

不

所。一一佛前悉以如是百萬阿僧祇陀羅尼門聽聞正法。聞已不忘。以無量差別門爲他演說。

疏二持當得中。聞已不忘。正顯持義爲他演說。亦持之用。

此菩薩初見於佛頭頂禮敬。卽於佛所得無量法門。此所得法門。非彼聞持諸大聲聞。於百千劫所能領受。

疏第二此菩薩初見下明說成就於中三初顯所受法多。

此菩薩得如是陀羅尼。如是無礙智。坐於法座而說

於法。大千世界滿中衆生。隨其心樂。差別爲說。唯除諸佛。及受職菩薩。其餘衆會。威德光明無能與比。

疏一此菩薩得如是下能廣開演。

此菩薩處於法座。欲以一音令諸大衆皆得解了。卽得解了。或時欲以種種音聲。令諸大衆皆得開悟。或時心欲放大光明。演說法門。或時心欲於其身上。一一毛孔。皆演法音。或時心欲乃至三千大千世界。所有一切形無形物。皆悉演出妙法言音。或時心欲發一言音周徧法界。悉令解了。或時心欲一切言音。皆作法音。恒住不滅。或時心欲一切世界簫笛鐘鼓。及

以歌詠一切樂聲。皆演法音。或時心欲於一字中。一切法句。言音差別。皆悉具足。或時心欲令不可說無量世界地水火風四大聚中。所有微塵。一一塵中。皆悉演出不可說法門。如是所念一切隨心。無不得者。

疏三此菩薩處於法座下。明起說自在。

佛子。此菩薩假使三千大千世界所有衆生。咸至其前。一一皆以無量言音而興問難。一一問難。各各不同。菩薩於一念頃。悉能領受。仍以一音普爲解釋。令隨心樂。各得歡喜。如是乃至不可說世界所有衆生。一剎那間。一一皆以無量言音而興問難。一一問難。

各各不同。菩薩於一念頃。悉能領受。亦以一音普爲解釋。各隨心樂。令得歡喜。乃至不可說不可說世界溝中衆生。菩薩皆能隨其心樂。隨根隨解。而爲說法。承佛神力。廣作佛事。普爲一切作所依怙。

疏第三佛子。此菩薩假使下問答成就初一界答。  
東觀二明一切世界。

佛子。此菩薩復更精進。成就智明。假使一毛端處。有不可說世界微塵數衆生。一一衆生。有不可說世界微塵數衆生。一一衆會。有不可說世界微塵數性欲。彼諸佛隨其性欲。各與法門。如一毛端處。一切

法界處悉亦如是。如是所說無量法門。菩薩於一念中悉能領受。無有忘失。

疏第四佛子此菩薩復更下受持成就可知。佛子菩薩住此第九地晝夜專勤更無餘念。唯入佛境界親近如來。入諸菩薩甚深解脫常在三昧。恒見諸佛未曾捨離。一一劫中見無量佛無量百佛無量千佛乃至無量百千億那由他佛恭敬尊重承事供養於諸佛所。種種問難得說法陀羅尼所有善根轉更明淨。

疏第一佛子菩薩住此下明位果三果同前。但初調衆見佛緣中初依內證近佛法身後依三昧見佛色身餘文可知。

譬如真金善巧金師用作寶冠轉輪聖王以嚴其首四天下內一切小王及諸臣民諸莊嚴具無與等者此第九地菩薩善根亦復如是。一切聲聞辟支佛及下地菩薩所有善根無能與等。

佛子譬如二千世界主大梵天王身出光明二千界中幽遠之處悉能照耀除其黑暗。此地菩薩所有善根亦復如是能出光明照衆生心煩惱黑暗皆令息滅。

此菩薩十波羅蜜中。力波羅蜜最勝。餘波羅蜜。非不修行。但隨力隨分。

佛子是名畧說菩薩摩訶薩第九善慧地。若廣說者。於無量劫。亦不能盡。

佛子菩薩摩訶薩。住此地多作一千世界王大梵天王。善能統理自在饒益。能爲一切聲聞緣覺。及諸菩薩分別演說波羅蜜行。隨衆生心。所有問難。無能屈者。布施愛語利行同事。如是一切諸所作業。皆不離念佛。乃至不離念一切種一切智智。復作是念。我當於一切衆生中。爲首爲勝。乃至爲一切智智依止者。

此菩薩若發勤精進於一念頃得百萬阿僧祇國土微塵數三昧。乃至示現百萬阿僧祇國土微塵數菩薩以爲眷屬。

若以菩薩殊勝願力自在示現過於此數。乃至百千億那由他劫。不能數知。

爾時金剛藏菩薩欲重宣其義。而說頌曰。

無量智力善觀察。最上微妙世難知。普入如來秘密處。利益衆生入九地。總持三昧皆自在。獲大神通入衆利。力智無畏不共法。願力悲心入九地。

撰述

圭嚴疏金卷之二

三

疏第三重頌分中。二十四頌分三。初十九頌地行。  
次四頌位果。後一結歎。今初具頌上四分。初二頌  
法師方便。

住於此地持法藏了。善不善及無記有漏無漏世出  
世思不思議悉善知。

若法決定不決定。三乘所作悉觀察。有爲無爲行差  
別。如是而知入世間。

疏次二頌智成就。

若欲知諸衆生心。則能以智如實知。種種速轉壞非  
壞無質無邊等衆相。

煩惱無邊恒共伴。眠起一義續諸趣。業性種種各差  
別。因壞果集皆能了。

諸根種種下中上。先後際等無量別。解性樂欲亦復  
然。八萬四千靡不知。

衆生惑見恒隨縛。無始稠林未除翦。與志共俱心並  
生。常相羈繫不斷絕。但唯妄想非實物。不離於心無處所。禪定境排仍退  
轉。金剛道滅方畢竟。

六趣受生各差別。業田愛潤無明覆識爲種子名色  
芽。二界無始恒相續。

撰述

華嚴疏鈔卷之三

三

德

惑業心習生諸趣。若離於此不復生衆生悉在三聚中。或溺於見或行道。

疏次七頌入行成就。

住於此地善觀察。隨其心樂及根解。疏四有八偈頌說成就於中初半偈頌智成就。悉以無礙妙辨才。如其所應差別說處於法座如師子亦如牛王寶山王。

又如龍王布密雲。灑甘露雨充大海。善知法性及奧義。隨順言辭能辨說。

疏次二偈頌口業成就。其中諸喻長行所無。

總持百萬阿僧祇譬。如大海受衆雨。總持三昧皆清淨。能於一念見多佛。

一一佛所皆聞法。復以妙音而演暢。

疏後五偈半頌法師自在成就於中初一偈半頌持。

若欲三千大千界。教化一切諸羣生。如雲廣布無不及。隨其根欲悉令喜。

疏次一偈頌說

毛端佛衆無有數。衆生心樂亦無極。悉應其心與法門。一切法界皆如是。

## 疏次一頌問答

菩薩勤加精進力復獲功德轉增勝持爾所諸法門如地能持一切種。

十方無量諸衆生咸來親近會中坐。一念隨心各問難。一音普對悉充足。

## 疏後二頌受持兼頌問答

住於此地爲法王隨機誨誘無厭倦。日夜見佛未曾捨入深寂滅智解脫。供養諸佛善益明如王頂一妙寶冠復使衆生煩惱滅譬如梵王光普照。

住此多作大梵王以三乘法化衆生所行善業普饒益乃至當成一切智。

一念所入諸三昧阿僧祇刹微塵數見佛說法亦復然願力所作復過此。

此是第九善慧地大智菩薩所行處甚深微妙難可見我爲佛子已宣說

信童盛履升 盛履恒助銀五兩六錢九分六  
釐刻此一卷伏願

智慧日明 共表式廓世騰科甲之芳堅固檀波之  
念者

60

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9 90

大方廣佛華嚴經疏鈔卷三十八之三終

寶殿寺一參分頭



大廣佛華嚴經疏鈔卷三十八之三終  
寶殿寺一參分頭  
大廣佛華嚴經疏鈔卷三十八之三終  
寶殿寺一參分頭  
大廣佛華嚴經疏鈔卷三十八之三終  
寶殿寺一參分頭  
大廣佛華嚴經疏鈔卷三十八之三終  
寶殿寺一參分頭  
大廣佛華嚴經疏鈔卷三十八之三終  
寶殿寺一參分頭

60

1 2 3 4 5 6 7 8 9

70

1 2 3 4 5 6 7 8 9

80

1 2 3 4 5 6 7 8 9

100

